

IZVJEŠTAJ O RADU

AGENCIJE ZA STATISTIKU BOSNE I HERCEGOVINE ZA 2011. GODINU



Bosna i Hercegovina



Agencija za statistiku
Bosne i Hercegovine

Sarajevo 2012.

S A D R Ž A J

UVODNA RIJEČ.....	4
1. DEMOGRAFSKE I SOCIJALNE STATISTIKE.....	5
1.01 Statistika stanovništva	5
1.02 Statistika tržišta rada.....	6
1.03 Statistika obrazovanja.....	7
1.04 Statistika kulture.....	7
1.06 Raspodjela dohotka i životni uslovi.....	7
1.07 Statistika socijalne zaštite.....	9
1.10 Statistika kriminaliteta	9
2. MAKROEKONOMSKE STATISTIKE.....	10
2.02 Godišnji ekonomski računi	10
2.06 Statistika cijena.....	10
2.07 Statistika robne razmjene sa inostranstvom	11
3. POSLOVNE STATISTIKE	12
3.01 Godišnje poslovne statistike.....	12
3.02 Kratkoročne poslovne statistike	14
3.03 Energetska statistika	17
3.04 Statistika saobraćaja	18
3.06 Statistički poslovni registar	18
4. STATISTIKA POLJOPRIVREDE, ŠUMARSTVA I RIBARSTVA	21
4.01 Statistika poljoprivrede.....	21
4.02 Poljoprivredne strukture	21
4.04 Poljoprivredni računi i cijene	22
4.05 Statistika šumarstva	22
4.06 Statistika ribarstva.....	22
5. MULTIDOMENSKE STATISTIKE	23
5.03 Statistika okoliša i računi	23
5.07 Informacijsko društvo	24
6. PODRŠKA ZA STATISTIČKE PROIZVODE - INFRASTRUKTURA	25
6.01 Klasifikacije.....	25
6.02 Obuke	26
6.03 IT podrška, standardi i alati za statističku proizvodnju.....	26
6.06 Informisanost i diseminacija.....	27
6.09 Međunarodna saradnja i evropske integracije	28
7. ADMINISTRATIVNA PODRŠKA	32
7.01 Upravljanje IT infrastrukturom	32
7.02 Ljudski resursi.....	32
7.03 Upravljanje finansijskim sredstvima	33
PROBLEMI U RADU.....	34
PRILOG	37
Pregled publikovanja u 2011. godini.....	39
Godišnji izvještaj o provedbi Statističkog programa od značaja za Brčko distrikt BiH u 2011. godini	41

UVODNA RIJEČ

Misija Agencije za statistiku Bosne i Hercegovine je domaćim i stranim korisnicima podataka osigurati pouzdane, razumljive, kvalitetne, pravovremene i međunarodno uporedive statističke informacije o stanju i trendovima na ekonomskom, demografskom i socijalnom području, na području okoliša i prirodnih resursa, optimalnim korištenjem resursa i reduciranjem opterećenja davalaca podataka. Agencija za statistiku Bosne i Hercegovine će daljim jačanjem svojih stručnih i infrastrukturnih kapaciteta učiniti sve da postane aktivan sudionik Evropskog statističkog sistema, pri tome respektirajući fundamentalne vrijednosti kao što su profesionalizam, nezavisnost, nepristrasnost i otvorenost, koja će ponuditi informacije i usluge korisnicima dobrog kvaliteta i na razumljiv način.

U roku od tri mjeseca od isteka kalendarske godine, direktor Agencije za statistiku Bosne i Hercegovine podnosi godišnji izvještaj o radu Agencije za statistiku BiH Vijeću ministara Bosne i Hercegovine (član 22. Zakona o statistici Bosne i Hercegovine - Službeni glasnik BiH, br. 26/04).

Izvještaj je struktuiran na način da korisnicima statističkih podataka i institucijama koje prate naš rad, pruži integralnu sliku rada Agencije u jednoj poslovnoj godini, a u odnosu na prioritetne zadatke koji su definisani u Statističkom programu Bosne i Hercegovine za period 2009 - 2012. godina.

U 2011. godini provedena je u okviru Eurostatovog projekta „Globalna procjena statističkih sistema zemalja kandidata i potencijalnih kandidata kao i zemalja koje pripadaju evropskoj politici komšijstva (ENP zemlje)“ i Globalna procjena (Adapted Global Assessment - AGA) nacionalnog statističkog sistema Bosne i Hercegovine.

Eurostat je inicirao AGA proces na osnovu zahtjeva Agencije za statistiku Bosne i Hercegovine u decembru 2009. godine. Procjenu su vršila dva eksperta: gđin. Günter Kopsch (bivši direktor Destatis-a, Njemačka), kao vodeći ekspert, i gđin. Jan Byfuglien (Statistika Norveške). Rezultati procjene zasnivaju se na opsežnom pregledu tokom dvije misije koje su bile održane krajem marta i u prvoj polovini juna 2011. godine.

Preporuke koje su iznijete od strane eksperata u Globalnoj procjeni statističkog sistema u BiH će biti ugrađene u Statistički program BiH 2013-2017. godine.

U 2011. godini Agencija je realizovala i provela (zajedno s entitetskim zavodima za statistiku) 149 statističkih istraživanja i aktivnosti, publikovala je 12 tematskih publikacija i 200 saopštenja, održala 12 redovnih konferencija za novinare i 2 tematske konferencije za novinare, te odgovorila na oko 200 zahtjeva korisnika.

U 2011. nastavljena je harmonizacija bosanskohercegovačke statistike u skladu sa standardima Evropske unije. Posebna poboljšanja postignuta su glede pouzdanosti podataka i njihove dostupnosti preko internetskih stranica. Važnost internetskih stranica Agencije za statistiku BiH bitno je porasla kada je riječ o takvom obliku diseminacije podataka, stoga će se nastaviti s obogaćivanjem stranica novim sadržajima.

U kontekstu procesa pridruživanja i njegova okvira, koji je zadan Sporazumom o stabilizaciji i pridruživanju, kao i drugim pretprijetnim dokumentima, 2011. je proveden niz projekata finansiranih sredstvima iz pretprijetnih fondova.

Planirani ciljevi programa i plana provedbe statističkih istraživanja i aktivnosti iz domena demografskih i socijalnih statistika vezani za redovna istraživanja u cijelosti su izvršeni. Zbog ograničenih resursa nije postignut očekivan razvoj statističkih proizvoda čija izrada bitno pridonosi unaprijeđenju ukupne kvalitete programa iz domena statistike ekonomskih i poslovnih statistika.

Radi daljeg usklađivanja s Eurostatovim preporukama radilo se na prilagodbi postojećih i razvoju novih istraživanja iz područja statistike stanovništva, tržišta rada, obrazovanja, kulture, lične potrošnje i pravosuđa.

1.01 Statistika stanovništva

Vitalna statistika (rođeni, umrli, zaključeni i razvedeni brakovi)

Tokom 2011. godine pripremljena su i objavljena četiri saopštenja o prirodnom kretanju stanovništva.

Urađene su tabele za nivo BiH iz oblasti vitalne statistike za 2010. godinu (konačni podaci) i objavljene u tematskom biltenu Demografija, kao i tabele po zahtjevima EUROSTATATA i UN-a.

U saradnji sa UNICEF-om rađeno je na projektu MONEE, u sklopu kojeg su dati podaci za 2010. godinu za više oblasti.

Statistika migracija

Agencija za statistiku Bosne i Hercegovine nadležna je da publikuje podatke na državnom nivou u vezi unutrašnjih migracija. U februaru 2011. godine objavljeno je drugo saopštenje o unutrašnjim migracijama za 2010. godinu. U ovom saopštenju obuhvaćeni su svi stanovnici Bosne i Hercegovine, razvrstani po spolnoj i starosnoj strukturi, koji su registrovali promjenu njihovog prebivališta, uključujući i kretanja između entiteta i Brčko distrikta BiH. U saopštenju su također dati podaci o ukupnom broju doseljenih i odseljenih osoba u FBiH, RS i Brčko distriktu BiH, kao i podaci o migracionom saldu.

UNDP BiH je pokrenuo projekat pod nazivom Yerp - „Program zapošljavanja i zadržavanja mladih„. Predviđeno je da program traje 36 mjeseci tj. od septembra 2009. do septembra 2012. godine. U okviru tog projekta predstavnici Agencije za statistiku su članovi radne grupe za metodologiju i strategiju zajedno sa predstavnicima nadležnih ministarstava koji predstavljaju „izvor podataka“ za statistiku međunarodne migracije.

Rezultat rada radne grupe za metodologiju je pripremljen nacrt Metodologije za prikupljanje, harmonizaciju, razmjenu i diseminaciju statističkih podataka o migraciji u BiH; Dokument Analiza trenutnog nivoa usklađenosti statistike migracija u BiH sa EU regulativom 862/2007; Zajednički rječnik ključnih pojmova za statistiku migracija.

Rezultat rada radne grupe za strategiju je pripremljen Nacrt Strategije i Akcionog plana.

Popis stanovništva, domaćinstava i stanova

Prijedlog Zakona o popisu stanovništva, domaćinstava i stanova u BiH 2011. godine koji je pripremila Privremena komisija skupštine BiH usvojen je na Zastupničkom domu Parlamentarne skupštine BiH, ali u toku 2010. i 2011. godine nije prošao proceduru usvajanja u Domu naroda Parlamentarne skupštine BiH.

Tokom 2011. godine nastavljen je rad na pretpripremanama za popis stanovništva, domaćinstava i stanova.

Pripremljen je slijedeći metodološki materijal:

- plan instruktaža za Pilot popis,
- prezentacije koje će se koristiti prilikom obuke učesnika u Pilot popisu,
- nacrt Uputstva za organizaciju Pilot popisa,
- nacrt organizaciono-metodološkog uputstva za samopopisivanje članova DKP BiH i
- nacrt organizaciono-metodološkog uputstva za popisivanje osoba na izdržavanju kazne zatvora i zavodsko vaspitnih mjera.

Uslov za testiranje kompletnog popisnog instrumentarija u Probnom popisu je Zakon o Popisu stanovništva, domaćinstava i stanova.

Djelatnosti Sektora za statističke metodologije, standarde, planiranje, kvalitet i koordinaciju na području popisa stanovništva bile su vezane za pripremu uzorka za probni popis i za izradu metodologije postpopisne ankete. Te aktivnosti su urađene u saradnji sa kolegama iz Odsjeka za demografiju.

Koordiniran je rad sa entitetskim zavodima i napravljen je zajednički prijedlog uzorka za probni popis u dvije varijante koje se razlikuju jedino prema veličini uzorka. Prva varijanta obuhvata 44 popisna kruga u uzorku (22 FBiH, 18 RS, 4 Brčko), dok je druga bazirana na uzorku od 60 popisnih krugova (33 FBiH, 21 RS, 6 Brčko). Veličina uzorka će zavisiti od raspoloživih sredstava za probni popis. Uzorak je dizajniran kao neprobabilistički ciljani uzorak koji će omogućiti testiranje cjelokupne metodologije na terenu. Mape popisnih krugova izabranih u uzorak su pripremljene u sve tri statističke institucije.

Također je za potrebe postpopisne ankete, a u okviru projekta EUPHC-a, napravljena metodologija ankete sa ciljem da se izvrše kontrole kvaliteta obuhvata i sadržaja (odgovora) na popisu stanovništva. Metodologija je obuhvatila sve potrebne aspekte ove ankete i usklađena je sa standardima i preporukama. U saradnji sa Odsjekom za demografiju napravljen je i draft upitnika koji će se koristiti na postpopisnoj anketi koji će se također testirati tokom probnog popisa stanovništva. Unutar Sektora je napravljena verzija metodologije postpopisne ankete na našem jeziku.

1.02 Statistika tržišta rada

Statistika zarada, zaposlenosti i nezaposlenosti

Urađene su tabele na nivou BiH za oblast koja pokriva prosječne zarade (bruto i neto), zaposlenost i nezaposlenost. Podaci po ekonomskim aktivnostima (sektorima) iskazuju se na mjesečnom, kvartalnom, polugodišnjem i godišnjem nivou. Diseminacija se vrši kroz saopštenja i objavljivanjem na web stranici Agencije za statistiku BiH, kao i mjesečnom objavljivanju u Službenom glasniku BiH.

Anketa o radnoj snazi

Agencija za statistiku Bosne i Hercegovine zajedno sa statističkim entitetskim kancelarijama provela je i završila po šesti put, samostalno, Anketu o radnoj snazi 2011. godine i dobivene podatke publikovala kroz dokument „Anketa o radnoj snazi 2011 – konačni rezultati“. Po prvi put u Anketu je uključen i Ad Hoc Modul: „Zaposlenost osoba sa zdravstvenim poteškoćama“. Kompletni konačni rezultati Ankete o radnoj snazi 2011 – ARS 2011 su također dostupani na web stranici Agencija.

Anketa o troškovima rada

Tokom septembra 2010. godine radilo se na provođenju Ankete o troškovima rada 2009, a u 2011. godini radilo se na formiranju baze podataka na nivou BiH, njenom čišćenju i pripremi za analizu podataka. Analizirane su sve mogućnosti za izradu tabela po preporukama Eurostata, kao i sagledavanje prepreka koje koče izradu svih tabela (nepostojanje NUTS-a, izostanak popisa stanovništva itd). I dalje je ostao problem iz Pilot istraživanja, koji može imati za posljedicu neobjavljivanje podataka iz Ankete o troškovima rada na nivou BiH, a sastoji se u tome da, Agencija za statistiku ne može dobiti mikropodatke iz Republičkog zavoda za statistiku RS koji se odnose na taj entitet.

1.03 Statistika obrazovanja

Statistika osnovnog, srednjeg i visokog obrazovanja

Iz oblasti obrazovanja objavljena su dva saopštenja o obrazovanju koje obuhvata podatke o predškolskom, osnovnom, srednjem i visokom obrazovanju u BiH. U saopštenjima su dati i podaci o nastavnom osoblju i opremljenosti u obrazovnim ustanovama. Agencija za statistiku BiH i entitetski zavodi za statistiku su uključeni u projekat "Jačanje kapaciteta razvoja ljudskih resursa", a jedan od ciljeva projekta je unaprijeđenje statistike obrazovanja i uspostavljanje jedinstvene metodologije na entitetskom i državnom nivou, a u skladu sa EU i međunarodnim standardima i zahtjevima (UNESCO, OECD, EUROSTAT).

1.04 Statistika kulture

Kultura i umjetnost

Iz oblasti kulture, objavljen je bilten "Kultura i umjetnost". Podaci u ovom biltenu su rezultat agregiranja podataka entitetskih zavoda za statistiku koji se odnose na oblast kulture i umjetnosti, za period 2006-2010. godine. Bilten sadrži dostupne podatke o radio i TV stanicama, kinima, pozorištima i bibliotekama.

Agencija i entitetski zavodi za statistiku su sudjelovali u projektu „Kultura za razvoj“, koji u okviru partnerskog odnosa provode UNDP, UNESCO i UNICEF, u saradnji sa MCP, entitetskim ministarstvima kulture i obrazovanja, kao i drugim institucijama nadležnim za oblast kulture i obrazovanja u BiH. Kao rezultat ovog projekta urađeni su statistički obrasci sa metodologijom za izvještavanje iz oblasti kulture (17 obrazaca sa prapatnim adresarima), a u skladu sa prepoznatim evropskim praksama, odnosno preporukama EUROSTAT-a. Ovi obrasci su osnov i radni materijali koji će u budućnosti trpiti ažuriranje i dorade od strane statističkih institucija.

Po prvi put je provedeno Istraživanje poslovnih subjekata iz oblasti kulture, sa ciljem pružanja podataka o kulturi i aktivnostima, u kontekstu njenog doprinosa zapošljavanju, razvoju i intelektualnom dijalogu. Ovim istraživanjem su obuhvaćeni poslovni subjekti čije su djelatnosti u skladu sa Klasifikacijom djelatnosti BiH 2010, koja je usklađena sa revizijom NACE 2 Klasifikacije djelatnosti i UNESCO-vim Okvirom za statistiku iz oblasti kulture.

1.06 Raspodjela dohotka i uslovi života

Anketa o potrošnji domaćinstava 2011

Rad na poslovima Ankete o potrošnji domaćinstava 2011 (APK 2011) tokom 2011. godine bio je usmjeren na provedbu anketiranja domaćinstava na terenu, na kontrolu terenskog rada od strane supervizora iz regionalnih odjeljenja i od strane metodologa iz centralnih kancelarija, unos podataka i kreiranje baze podataka, analizu podataka po kvartalu, te na pripremu procedura za editiranje i imputaciju podataka u cilju dobijanja čiste baze podataka spremne za finalnu analizu.

Terenski rad je proveden na osnovu unaprijed napravljenih kvartalnih alokacija uzorka po popisnim krugovima i anketarima na način da se osigura ravnomjerna opterećenost istih i postigne ekonomičnost u visini troškova prijevoza na terenu. Ukupno je kompletno anketirano 7389 domaćinstava.

Rad anketara i supervizora je redovno praćen i kontrolisan od strane supervizora iz regionalnih odjeljenja i metodologa iz centralnih kancelarija s ciljem osiguranja striktno implementacije anketne metodologije i uputstava za anketare i supervizore. Pored toga, cilj kontrola terenskog rada bio je i praćenje aktuelne stope neodgovora po kvartalu i stratumima u smislu postizanja ciljane veličine uzorka. Tokom godine izvršeno je 407 terenskih kontrola i 2412 telefonskih. Problemi u implementaciji anketne metodologije su rješavani na osnovu upita od strane anketara i supervizora, te prilikom njihovog uočavanja tokom redovnih kontrola terenskog rada. U toku prvog polugodišta terenskog rada, evidentirana je stopa neodgovora domaćinstava od 24.1% što je više od planirane, te je bilo potrebno izvršiti redizajniranje uzorka koje je i učinjeno s ciljem stvaranja uslova za postizanje ciljane finalne veličine uzorka od oko 7500 anketiranih domaćinstava. Povećanje uzorka je bilo potrebno samo u Federaciji Bosne i Hercegovine i Brčko distriktu Bosne i Hercegovine.

Unos podataka je izvršen u planiranoj dinamici u Blaise aplikaciji koja omogućava kontrolirani unos. Kvartalne baze podataka su objedinjavane i eksportirane u SPSS format u kojem je kasnije vršena analiza podataka.

Analiza podataka je izvršena za prva tri kvartala i dobijeni su preliminarni, nepročišćeni i neponderisani rezultati o prosječnoj mjesečnoj ukupnoj i potrošnji po COICOP odjeljcima po domaćinstvu, za BiH, entitete i distrikt. Pored toga je izvršena i analiza prihoda i dobijeni su istovrsni podaci o prosječnom mjesečnom ukupnom prihodu i prihodu po vrstama po domaćinstvu, za BiH, entitete i distrikt. Izvršena je i preliminarna analiza siromaštva na osnovu metodologije relativnog siromaštva propisane EU regulativama i standardima. Komparacije radi, analiza siromaštva je izvršena korištenjem potrošnog i prihodovnog pristupa. Podaci su prikazani za BiH, entitete i distrikt. Sintakse napravljene tokom preliminarne analize biti će korištene za finalnu analizu na osnovu pročišćene i kompletirane baze podataka koja će se dobiti nakon izvršenih procedura editovanja i imputacije.

U cilju dobijanja čiste i kompletirane baze podataka započete su pripreme za izradu procedura editovanja i imputacije podataka. Polazni osnov ovih aktivnosti činile su istovrsne procedure korištene u APK 2007 razvijene u saradnji sa kolegama iz Zavoda za statistiku Republike Italije-ISTAT-a. Rad na ovim aktivnostima bio je vremenski usklađen sa dinamikom Twinning projekta sa Statistikom Danske čiji je centralni dio posvećen editovanju i imputaciji podataka na APK 2011 u cilju dobijanja planiranih rezultata na ljeto 2012. godine.

Kako je Twinning projekat počeo sa značajnim zakašnjenjem, samostalno je započet rad na procedurama editovanja i imputacije i do sada su adaptirane procedure za prvu polovinu od devet faza rada. Budući da je terenski rad na APK 2011. završen u januaru 2012. i da će unos podataka za kompletnu 2011. godinu biti finaliziran u februaru, završetak izrade procedura editovanja i imputacije će biti izvršen prema planu. Očekuje se i stručna pomoć u radu na ovim procedurama kroz Twinning projekat sa Statistikom Danske tako da će rezultati APK 2011 biti dostupni u skladu planiranom dinamikom.

1.07 Statistika socijalne zaštite

Korisnici i ustanove socijalne zaštite

Na osnovu podataka entitetskih zavoda za statistiku, pripremljen je bilten "Socijalna zaštita u BiH", koji je obuhvatio podatke o korisnicima svih oblika, mjera i usluga socijalne zaštite, ali i podatke o ustanovama socijalne zaštite i zaposlenima u tim ustanovama, u periodu 2005-2010. Podaci su razvrstani po starosti korisnika, stepenu ugroženosti, vrsti socijalnih potreba i ustanovama za pružanje socijalne pomoći.

1.10 Statistika kriminaliteta

Priprema za provođenje istraživanja iz oblasti statistike kriminaliteta

U 2011. godini Agencija za statistiku BiH je počela sa prikupljanjem podataka od Suda BiH za optužene punoljetne osobe protiv kojih je kazneni postupak pravomoćno okončan. Međutim, i dalje nemamo odgovor od strane Tužilaštva BiH koje bi trebalo dostavljati podatke o punoljetnim osobama protiv kojih je postupak po kaznenoj prijavi i prethodni postupak završen. Krajem 2011. godine je također, obavljen razgovor sa pravosudnim tijelima Brčko distrikta BiH u cilju postizanja dogovora da Sud i Tužilaštvo BD BiH u narednom periodu dostavljaju podatke o statistici kriminaliteta na unificiranim obrascima koje je kreirala Agencija za statistiku BiH. Ukoliko bi pravosudne institucije u toku 2012. godine pristale i počele da dostavljaju podatke o statistici kriminaliteta, Agencija za statistiku BiH će biti u mogućnosti da počne sa objavom agregiranih podataka u oblasti statistike kriminaliteta na nivou BiH.

2. MAKROEKONOMSKE STATISTIKE

2.01 Godišnji ekonomski računi

Obračun BDP za nivo BiH

Izvršen je obračun BDP za nivo BiH po proizvodnom pristupu za 2010. godinu u tekućim i stalnim cijenama. Podaci su publikovani na nivou A60. U cilju osiguranja konzistentnosti u primjeni metodoloških postavki iz SNA93 i ESA95 urađena su određena metodološka poboljšanja u procjeni Bruto domaćeg proizvoda prema proizvodnom pristupu. Metodološka poboljšanja odnose se na obračun dodane vrijednosti za osiguravajuća društva. Polazeći od metodoloških poboljšanja primijenjenih na obračun za 2010. godinu urađene su korekcije do sada publikovanih serija podataka. U Biltenu je objavljena uporediva serija podataka za period 2005-2010.

Izvršen je obračun BDP za BiH po dohodovnom pristupu za 2010. godinu i publikovan na A17.

Izvršen je obračun BDP za BiH po rashodnom pristupu za period 2010. godinu u tekućim i stalnim cijenama. Zbog aktivnosti na implementaciji nove KD BiH 2010 publikovani su preliminarni podaci BDP za 2010.

Publikovano je saopštenje BDP i stvarna individualna potrošnja (SIP) u standardu kupovne moći (SKM) za 2010. godinu.

Obračun ulaganja sredstava u investicije

Izvršen je obračun ulaganja sredstava u investicije pravnih osoba u 2010. godini. Zbog postojećeg problema vezanog za dostavljanje kompletne baze podataka iz RZS RS obračun je urađen korištenjem anonimnih mikropodataka RZS RS i kompletne baze podataka dostavljene od strane FZS FBiH i Brčko distrikta BiH.

Pilot istraživanje

U okviru IPA-2008 Regional ažuriran je opis izvora i metoda korištenih u kompilaciji nefinansijskih nacionalnih računa, pripremljenih u okviru IPA 2007. Na osnovu provedenog Pilot istraživanja o strukturi prihoda i međufazne potrošnje izračunati su input/ output koeficijenti. Izračunati koeficijenti bi trebali biti osnov za obračun stalnih cijena primjenom metoda dvostrukih indikatora (IPA 2009).

2.06 Statistika cijena

Indeksi potrošačkih cijena u BiH

Redovno objavljivanje saopštenja sa Indeksima potrošačkih cijena za nivo BiH i Brčko distrikt BiH, te saopštenja sa Prosječnim cijenama odabrane liste proizvoda za nivo Bosne i Hercegovine.

Izračunati su ponderi iz Ankete o potrošnji domaćinstava iz 2007. godine i dodatnih istraživanja, cjenovno ažurirani i primjenjeni za izračunavanje Indeksa potrošačkih cijena, od januara 2011. Nova baza za izračunavanje je 2010 = 100.

Izvršeno je usklađivanje primjenjivanih šifara proizvoda sa trenutno važećom COICOP klasifikacijom

Indeksi proizvođa- čkih cijena

Indeksi proizvođačkih cijena za domaće tržište Bosne i Hercegovine su objavljeni za period od 2007. do 2010. nakon čega je otpočelo redovno mjesečno objavljivanje navedenih indeksa.

Podaci potrebni za izračunavanje Indeksa proizvođača za vanjsko tržište se redovno prikupljaju od decembra 2009. godine, unose u aplikaciju, te se priprema eksperimentalno izračunavanje navedenog indeksa za nivo Bosne i Hercegovine, kao i eksperimentalno izračunavanje ukupnog indeksa proizvođačkih cijena za nivo Bosne i Hercegovine.

Evropski program poređenja

U okviru Evropskog programa poređenja – Paritet kupovne moći, Agencija za statistiku je provela sve aktivnosti definisane Eurostatovim Planom rada za 2011. Eurostatu su u planiranim rokovima dostavljeni svi potrebni podaci o provedenim istraživanjima: E 11 -1 „Usluge“, E 11 -2 „Namještaj i zdravstvo“; „ Građevinarstvo“; mjesečni indeksi potrošačkih cijena za 2010. godinu, set podataka statistike nacionalnih računa, te pripremljena dva metodološka poglavlja o metodologiji provođenja projekta u BiH. Na ovaj način omogućeno je izračunavanje Bruto domaćeg proizvoda u standardu kupovne moći BiH za period 2008 – 2010. Svi zadaci utvrđeni Programom rada su i realizovani.

2.07 Statistika robne razmjene sa inostranstvom

Statistika vanjske trgovine

Agencija za statistiku BiH je vršila redovno mjesečno prikupljanje, obradu i publikovanje podataka o robnoj razmjeni BiH s inostranstvom i objavila godišnje podatke za 2010. godinu u Tematskom biltenu.

Podaci su redovno dostavljani Eurostatu, Ujedinjenim narodima, Direkciji za ekonomsko planiranje pri Vijeću ministara BiH, Centralnoj banci BiH i

Ministarstvu vanjske trgovine i ekonomskih odnosa BiH u traženoj formi. Proizvedeni su Indeksi jediničnih vrijednosti i redovna objava će početi u 2012. godini.

Agencija za statistiku BiH je ispunila planirane aktivnosti i ciljeve za 2011. godinu u ovoj oblasti uz određene probleme koji su onemogućili provođenje adekvatnih kontrola i poboljšanja kvaliteta podataka o robnoj razmjeni. Najvažniji problem je nedostavljanje podataka sa jedinstvenim identifikacijskim brojem tvrtki od strane Uprave za indirektno oporezivanje BiH.

3.01 Godišnje poslovne statistike

Strukturne poslovne statistike

U području strukturnih poslovnih statistika (SPS) radilo se na daljem razvoju sveobuhvatnog sistema strukturnih poslovnih statističkih istraživanja za osiguravanje pokazatelja o ekonomskim aktivnostima poslovnih subjekata za BiH i entitete. Cilj uspostavljanja sistema strukturnih poslovnih statistika je proizvodnja konzistentnih i međunarodno uporedivih statističkih pokazatelja u skladu EU SBS (Structural Business Statistics) Regulativi No. 295/2008.

Tokom 2011. završeno je, ranije započeto, Pilot SPS istraživanje za referentnu 2009. godinu. Rezultati Pilot istraživanja završeni su u junu, a publikacija „Strukturne poslovne statistike – Pilot istraživanje za 2009“ objavljena je u septembru 2011. godine, kao metodološki dokument.

Za izvršenje sveobuhvatnih aktivnosti na razvoju SPS ranije je organizovana zajednička radna grupa sastavljena od metodologa, uzorkaša i IT stručnjaka iz tri statističke institucije. Radna grupa je tokom 2011. godine završila slijedeće dokumente: sačinjen je opći metodološki okvir za SPS istraživanja; pripremljen je osnovni plan aktivnosti s rokovima po pojedinim fazama i izvršiocima; pripremljen je osnovni dizajn SPS upitnika i uputstava za popunjavanje upitnika; urađen je dizajn za izbor uzorka; sačinjena je lista osnovnih kontrola za unos podataka i lista izlaznih varijabli i indikatora sa načinom njihovog računanja; urađene su IT aplikacije za: unos i kontrolu podataka, računanje mikro varijabli i indikatora, obradu podataka, izradu rezultata istraživanja i izračunavanje totala.

U 2011, na osnovu iskustva iz Pilot istraživanja, dizajnirana su i provedena prva redovna SPS istraživanja za referentnu 2010. godinu. Kao osnovni okvir za planiranje i provođenje redovnih SPS istraživanja u 2011. koristio se Statistički poslovni registar, koji je preklasifikovan prema novoj klasifikaciji djelatnosti - KD BiH 2010 (EU NACE Rev.2). Istraživanjem su obuhvaćene slijedeće djelatnosti poslovne ekonomije: rudarstvo; prerađivačka industrija; proizvodnja i distribucija struje, plina i vode; građevinarstvo; trgovina; promet i skladištenje; hotelijerstvo i ugostiteljstvo, te poslovanje nekretninama. Na taj način obuhvaćena je većina ekonomskih djelatnosti grupisanih u anekse I-IV EU SBS Regulative. U istraživanju je korišten kombinovani metod punog obuhvata i uzorka, u zavisnosti od djelatnosti i veličine preduzeća prema broju zaposlenih. Pripremljen je kompletan instrumentarij za provođenje istraživanja (8 različitih formi obrazaca, zavisno od djelatnosti i veličine preduzeća); prikupljeni su, iskontrolisani i obrađeni podaci istraživanja i otpočelo je uređivanje podataka i analiza rezultata istraživanja. Na osnovu utvrđenog plana završne aktivnosti na istraživanju biti će finalizovane u 2012, tako da će prvi rezultati istraživanja biti gotovi do kraja marta, a publikacija u vidu dopunjenog metodološkog dokumenta sa finalnim rezultatima istraživanja do kraja septembra 2012. godine.

Redovna proizvodnja strukturnih poslovnih varijabli i indikatora nastaviti će se u narednim godinama, s proširenjem obuhvata za anekse I-IV i kreiranjem posebnih istraživanja za razvoj preostalih SPS aneksa (V-IX) iz EU SBS Regulative 295/2008. Dio navedenih aktivnosti biti će realizovan kroz IPA 2008 Projekat i u tom cilju urađene su sve pripreme, uključujući definisanje potrebnih aktivnosti, metoda rada i očekivanih rezultata.

U entitetima i podružnici Brčko prikupljeni su i obrađeni godišnji podaci o proizvedenim količinama, količinama proizvoda utrošenih za dalju proizvodnju, promjenama zaliha i prodaji (realizovanje) proizvoda - količinski i vrijednosno i dostavljeni Agenciji za statistiku BiH. Agencija je obradila dostavljene podatke i objavila službene godišnje podatke o industrijskoj proizvodnji u BiH u 2010. godini. Rezultati su urađeni prema usaglašenoj metodologiji i novoj nomenklaturi industrijskih proizvoda NIP BiH 2010, zasnovanoj na EU PRODCOM listi iz 2010 (EU Regulation No. 163/2010; PRODCOM „Products of European Community“).

Za tematski bilten TB 05 „Industrijska proizvodnja u Bosni i Hercegovini u 2010. godini - prethodni PRODCOM rezultati“ pripremljen je novi uvodni tekst koji sadrži sva detaljna objašnjenja vezana za uvođenje novih standarda. Ovo je prva primjena novih evropskih standarda (Klasifikacija djelatnosti - NACE Rev.2, Klasifikacija proizvoda po djelatnostima - CPA 2008 i važeća nomenklatura industrijskih proizvoda - PRODCOM lista) u statistici industrije BiH.

U pripremi publikacije o industrijskoj proizvodnji u BiH u 2010. godini (za koju je važeća PRODCOM lista 2011) pripremljena je lista potrebnih izmjena nomenklature NIP BiH 2010. tako da su prikupljeni podaci agregirani saglasno EU zahtjevima. Ovo će biti redovna praksa i u narednim godinama – svake će se godine praviti lista izmjena u odnosu na NIP BiH 2010. i publikovati rezultati prema PRODCOM listi važećoj za referentnu godinu.

Zbog prelaska na nove statističke standarde, pripremljene su tabele povezivanja nove nomenklature NIP BiH 2010 sa starom NIP BiH 2005 i izvršeno je preračunavanje historijskih podataka i to u prvoj fazi za 2009. kako bi se u publikaciji mogli uporediti zbirni pokazatelji za dvije uzastopne godine. Nakon toga su u FZS i RZSRS preračunati i podaci za period 2005 – 2008. koji će se naknadno agregirati za nivo BiH, uključujući i podatke za DBBiH.

Pri publikovanju podataka za 2010. napravljene su određene izmjene u načinu predstavljanja podataka, a to je uslijedilo nakon EU pojašnjenja vezanih za prikaz podataka o proizvodnji ostvarenoj na osnovu ugovora. Sve dodatne aktivnosti vezane za prelazak na nove statističke standarde uzrokovale su kašnjenje u objavljivanju rezultata (povećan obim posla u entitetima i Agenciji na kontroli i usklađivanju podataka).

Nova publikacija „BiH u brojevima“ obuhvata i uporedne prikaze godišnjih podataka o industrijskoj proizvodnji koji su se do sada bazirali na PRODCOM podacima, ali su za 2010. godinu, zbog upoređivanja, korišteni mjesečni podaci (prikupljeni po starim standardima).

Provođenje PRODCOM istraživanja treba uskladiti sa rokovima koje je EU postavila za PRODCOM rezultate. Rok za dostavljanje rezultata Eurostatu je 01. 07. tekuće godine za podatke iz prethodne godine. U Planu rada za 2011. godinu Agencija nije uspjela dogovoriti sa entitetima rokove dostavljanja preliminarne i konačnih podataka koji bi omogućili pripremanje rezultata za BiH i njihovo blagovremeno dostavljanje Eurostat-u. U Planu Agencije rok za krajnje rezultate za BiH bio je 31. 07. Isti rok je definisan i u Planu rada RZSRS, dok je za FZS rok bio 31. 09.

Obuhvat i kompleksnost istraživanja biti će uglavnom isti i u narednim godinama, a kako se u BiH za PRODCOM istraživanje već koriste novi standardi, neće biti razloga za odstupanje od zahtjevanih EU rokova.

Godišnja statistika građevinarstva

U 2011. pripremljeni su i objavljeni godišnji rezultati o izvršenim građevinskim radovima u BiH za 2010. Na taj način je nastavljeno redovno godišnje publikovanje rezultata o izvršenim građevinskim radovima za BiH. Prvi put su godišnji rezultati ovog istraživanja za BiH publikovani u 2010., prvo za 2008., a kasnije i za 2009.

Na osnovu ovog istraživanja obrađeni su i publikovani slijedeći podaci: prosječan broj radnika na gradilištima u BiH, ukupan broj odrađenih sati radnika na gradilištima, vrijednost izvršenih radova na gradilištima prema vrsti građevinskih objekata, broj i površina završenih zgrada i stanova, završeni stanovi prema građevinskoj veličini i broju soba.

3.02 Kratkoročne poslovne statistike

Mjesečna statistika industrijske proizvodnje

Na osnovu jedinstvene metodologije izračunavanja indeksa obima industrijske proizvodnje u BiH, koja je donesena u okviru CARDS Twinning Projekta, od oktobra 2009. počelo je redovno objavljivanje indeksa za nivo BiH. IT rješenja koja se koriste za ove potrebe razvijena su u Agenciji za statistiku BiH. Na osnovu izvršenih analiza mjesečnih i godišnjih podataka, dostavljenih iz entiteta i BDBiH, evidentno je da još uvijek ima pitanja i problema koje treba temeljito razmotriti i riješiti.

Jedno od osnovnih pitanja koje je ostalo otvoreno je utvrđivanje zajedničkog panela statističkih jedinica za mjesečno istraživanje i načina upravljanja panelom tako da se on održava što je moguće stabilnijim. Pokazatelji kvalitete su također važan element metodologije, ali entiteti i BDBiH ih još uvijek ne dostavljaju. Analizom konzistentnosti rezultata za BiH i entitetskih pokazatelja utvrđena je potreba za dodatnim usklađivanjem.

U 2011. godini obavljene su pripreme za dalji razvoj statistike industrije, uglavnom vezane za preračunavanje postojećih serija indeksa obima industrijske proizvodnje i za prelazak na implementaciju novih EU statističkih standarda (klasifikacija djelatnosti - NACE Rev.2 i važeća nomenklatura industrijskih proizvoda - PRODCOM lista). Prvenstveno, to se odnosilo na formulisanje prijedloga i izbora pristupa za preračunavanje historijskih podataka (izbor metode: mikro, makro ili kombinovani pristup); pregrupisanje podataka po novoj klasifikaciji i nomenklaturi; izračunavanje koeficijenata konverzije; izračunavanje novog sistema pondera i sl.

Agencija je pripremila i entitetima dostavila konkretne prijedloge ilustrovane kroz izabrani primjer, ali je zajednička grupa za implementaciju novih standarda odlučila da, zbog međusobnog usaglašavanja različitih statističkih domena u statistici BiH, prelazak na nove standarde odgodi i implementaciju pomjeri sa 2012. (kako je bilo planirano za indeks industrijske proizvodnje) na 2013. Pri tome se planira istovremeni prelazak na nove standarde i na novu baznu godinu (2010). Pomjeranje implementacije za jednu godinu dodatno će uzrokovati povećanje obima poslova u 2013. u statistici industrije (jedna godina tj. 12 mjeseci više u seriji godina za rekonstrukciju, prateće kontrole, analize i usaglašavanja).

U 2011. su redovno pripremani i dostavljani specifični podaci ili podaci u posebnom formatu važnim korisnicima (Direkcija za ekonomsko planiranje BiH, MMF, World Bureau of Metal Statistics, UN Statistics Division, Industrial and Energy Statistics Section ...). Također je redovno odgovarano i na brojne druge upite i zahtjeve ostalih korisnika i dostavljani službeni podaci iz statistike industrije.

Mjesečna statistika turizma

U oblasti „statistike turizma“ tokom 2011. godine redovno su mjesečno publikovani mjesečni i kumulativni podaci iz oblasti „statistike smještaja“ (broj dolazaka i noćenja turista po zemlji prebivališta i smještajnim kapacitetima; raspoloživost smještajnih objekata s brojem soba i kreveta).

Podaci su agregirani na osnovu statističkih upitnika prikupljenih i obrađenih na nivou entiteta (Federacije Bosne i Hercegovine i Republike Srpske) i Brčko distrikta BiH i prezentovani u formi mjesečnog saopštenja s komentarima o mjesečnim i periodičnim promjenama navedenih varijabli.

Definicije i periodika praćenja statistike smještaja, osim dijela koji se odnosi na nepostojanje jedinstvene kategorizacije ugostiteljskih objekata na nivou BiH, uglavnom su usaglašeni s preporukama EUROSTAT-a koje se odnose na taj dio statistike turizma.

Izvršeni su poslovi u vezi sa planiranjem aktivnosti za implementaciju IPA 2008 projekta za komponentu turizma koja je namijenjena daljem razvoju i usaglašavanju statistike turizma s EU i WTO (World Tourism Organization) zahtjevima i preporukama.

Aktivnosti će biti obavljene kroz pet planiranih misija i kontinuiran rad BiH statističara između misija.

Podaci statistike turizma za BiH se pripremaju i redovno dostavljaju za objavljivanje u publikacijama Eurostat-a i UNWTO: „Potential Candidate countries and European Neighborhood Policy (ENP) countries“ i „UNWTO Compendium and Yearbook of Tourism Statistics“. Redovno je odgovarano i na druge upite i zahtjeve ostalih korisnika i dostavljani službeni podaci.

Izvršena je i redovna samoprocjena za oblasti statistike turizma i uporedivost podataka sa propisanim evropskim standardima i metodologijama (upotrebom SMIS+ Eurostat programa).

Kvartalna statistika građevinarstva

Tokom 2011. Agencija za statistiku BiH je pripremila i redovno publikovala kvartalne podatke o stambenoj izgradnji u BiH. U publikaciji su prikazani podaci o broju završenih i nezavršenih stanova, kao i površini završenih stanova. Ovi podaci su obrađeni na osnovu podataka dostavljenih iz entiteta, a izvor podataka su poslovne evidencije pravnih subjekata registrovanih u području F- Građevinarstvo.

U toku 2011. godine obrađeni su i publikovani kvartalni podaci iz statističkog istraživanja o građevinskim radovima u inostranstvu. Ovim istraživanjem prikupljaju se i obrađuju podaci: vrijednost izvršenih građevinskih radova u inostranstvu po vrstama radova; vrijednost izvršenih radova po vrstama objekata; vrijednost izvršenih radova po zemljama izvršenja radova; vrijednost novih narudžbi po zemljama ugovaranja za izvještajni kvartal; ukupan broj radnika preduzeća koji svoje radove izvode u inostranstvu, kao i ukupan broj izvršenih efektivnih sati rada radnika na gradilištima. Primarni izvor podataka su poslovne evidencije pravnih subjekata u području F-Građevinarstvo. Podaci za BiH su obrađeni na osnovu podataka dostavljenih iz entitetskih zavoda za statistiku.

Nastavljajući započete aktivnosti kroz projekat saradnje sa SIDA/SCB, u 2011. godini je provedeno Pilot kvartalno istraživanje za djelatnost građevinarstva (za IV kvartal 2010. i I kvartal 2011. godine). Istraživanje je bazirano na zahtjevima EU regulative za kratkoročne poslovne statistike (EU Short Term Business Statistics Regulation No. 1158/2005, Annex B) i iskazanim potrebama internih korisnika.

Do sada su realizovane slijedeće aktivnosti u okviru ovog istraživanja: utvrđen je okvir, dizajn uzorka i izabran uzorak za pilot istraživanja; razvijen je sistem šifriranja stavki u upitnicima; pripremljena je lista formalnih i logičkih kontrola za unos podataka; završen je proces prikupljanja podataka za IV kvartal 2010. i I kvartal 2011.; pripremljeno je uputstvo za izračunavanje izlaznih varijabli i indikatora; razvijena je IT aplikacija sa modulima za unos i kontrolu podataka, za imputacije „item and unit non-responsa“, za kreiranje izvještaja o odzivu, neodzivu i izvršenim imputacijama; za izračunavanje izlaznih rezultata i procjenu totala.

Započeta je analiza rezultata, te priprema i izrada metodološkog dokumenta i to će biti završeno do aprila 2012., nakon čega se planira početak provođenja redovnog kvartalnog istraživanja.

Kroz dosadašnji rad na pripremi, kreiranju i provođenju Pilot istraživanja razvijen je jedinstveni metodološki okvir (upitnici, metodologija, uzorak, IT aplikacija) koji će biti osnov za dalji razvoj i provođenje kratkoročnih poslovnih istraživanja iz drugih oblasti poslovne ekonomije.

Razvoj preostalih kratkoročnih indikatora iz građevinarstva, zahtjevanih Aneksom B, EU STS Regulative (indeksi troškova građenja i građevinske dozvole), planiran je u oktobru 2011. započeti IPA 2008 Projekat. U tom cilju su urađene sve potrebne pripreme, uključujući definisanje aktivnosti, načina rada i očekivanih rezultata.

Kvartalna statistika distributivne trgovine

U 2011. godini nastavljeno je redovno pripremanje i publikovanje podataka iz oblasti statistike distributivne trgovine. U saopštenju o distributivnoj trgovini u BiH prezentuju se kvartalni podaci o ostvarenom prometu, broju zaposlenih i zalihama po pretežnoj djelatnosti poslovnog subjekta.

U okviru projekta IPA 2008 planirane su aktivnosti na unaprijeđenju postojećeg kvartalnog istraživanja u oblasti statistike distributivne trgovine u skladu sa zahtjevima iz EU STS regulative (Annex C), a sa naglaskom na statistiku trgovine na malo.

Cilj je izrada jedinstvene metodologije i početak publikovanja podataka na nivou BiH, što će se postići kroz redizajniranje instrumenata iz postojećih istraživanja.

Konkretna realizacija aktivnosti počela je u novembru 2011., i obavljene su slijedeće pripreme: analizirana su postojeća istraživanja (koja se provode u entitetima i BDBiH); utvrđeni su nedostaci i definisane preporuke za nastavak rada na redizajnu mjesečnog istraživanja trgovine na malo; pripremljeni su dokumenti sa detaljnijim pregledom i opisom postojećih metodoloških rješenja i načina izbora uzorka, te prevedeni upitnici.

U cilju prilagođavanja postojećih vremenskih serija podataka (working-day adjustment i seasonal adjustment) pripremljene su serije podataka i kalendar neradnih dana i praznika za entitete i Brčko distrikt BiH (2005-2011).

Kvartalna statistika saobraćaja i skladištenja

U 2011. godini provedeno je kvartalno Pilot istraživanje iz oblasti Saobraćaja i skladištenja za IV kvartal 2010. i I kvartal 2011. godine podržano kroz SIDA/SCB projekt. Istraživanje je bazirano na zahtjevima EU regulative za kratkoročne poslovne statistike (EU Short Term Business Statistics Regulation No. 1158/2005, Annex D) i iskazanim potrebama internih korisnika. Ovo istraživanje je provedeno kombinovanom metodom punog obuhvata i uzorka izabranih preduzeća.

Do kraja 2011. su realizovane slijedeće aktivnosti u okviru ovog istraživanja: utvrđen je okvir, dizajn uzorka i izabran uzorak za pilot istraživanje, razvijen je sistem šifriranja stavki u upitnicima, pripremljena je lista kontrola za unos i uređivanje podataka, prikupljeni su i obrađeni podaci, pripremljeno je uputstvo za izračunavanje izlaznih varijabli i indikatora, razvijena je IT aplikacija (moduli za: unos i kontrolu podataka, imputacije „item and unit non-respons“, kreiranje izvještaja o odzivu, neodzivu i izvršenim imputacijama, izračunavanje izlaznih rezultata i procjenu totala).

Analiza rezultata pilot istraživanja i priprema metodološkog dokumenta biće okončane do kraja marta 2012., nakon čega se planira početak provođenja redovnog istraživanja. Osnovna forma upitnika, metodologije, dizajna uzorka i IT aplikacije moći će se koristiti za pripremu drugih kratkoročnih istraživanja iz oblasti poslovne ekonomije.

3.03 Energetska statistika

Statistika proizvodnje, potrošnje i snabdijevanje energentima

Redovno su publikovana godišnja saopštenja za električnu energiju, toplotnu energiju, ugalj, koks i prirodni plin, referentna 2010. godina, a prema EU Regulativi o energetske statistici 1099/2008/EC.

U cilju razvoja kratkoročnih pokazatelja statistike energije, izvršeno je pilot istraživanje za Mjesečno izvještavanje o proizvodnji električne energije, referentna 2011. godina.

Memorandumom o razumijevanju kojeg su 19. aprila 2011. godine potpisali Mirsad Salkić, predsjedavajući Državne regulatorne komisije za električnu energiju i Zdenko Milinović, direktor Agencije za statistiku Bosne i Hercegovine, uspostavljen je okvir budućeg partnerstva u području za koje su obje institucije zainteresovane – u prikupljanju i jačanju kvaliteta i pouzdanosti statističkih podataka u oblasti statistike energije.

Po prvi puta Agencija za statistiku BiH je izvršila međunarodno izvještavanje na tri relevantne adrese Eurostat/ IEA/UNSD godišnje upitnike za električnu energiju i toplotu, referentna 2009. godina.

Također, Agencija za statistiku BiH je započela redovno izvještavanje IEA/Eurostat vezano za cijene energenata (električna energija i prirodni plin) za referentnu 2011. godinu.

3.04 Statistika saobraćaja

Cestovni, željeznički i zračni prijevoz vodenim putevima i sigurnost saobraćaja

Publikovana su kvartalna i godišnja saopštenja statistike saobraćaja za slijedeće module saobraćaja: cestovni, gradsko-prigradski, željeznički i vazdušni saobraćaj, kao i podaci o prijevoznim sredstvima i infrastrukturi. Preduzeto je niz aktivnosti na uspostavljanju saradnje BHAS-a sa Agencijom za identifikacijske dokumente, evidenciju i razmjenu podataka (IDDEEA). Rezultat saradnje je dostavljena baza podataka statistici i prvo statističko saopštenje o registrovanim vozilima u Bosni i Hercegovini, referentna 2010. godina.

Preduzeto je niz aktivnosti na uspostavljanju saradnje BHAS-a sa Upravom za indirektno oporezivanje, Graničnom policijom BiH i Ministarstvom sigurnosti BiH, u cilju uspostavljanja statističkog istraživanja o graničnom prometu teretnih motornih vozila i graničnom prometu osoba, kako bi se zadovoljila Regulativa Vijeća Evrope 881/92 o pristupu tržištu prijevoza robe u cestovnom saobraćaju i Regulativa Vijeća (EEZ) br. 1172/98 kojom je utvrđeno koje podatke u vezi prijevoza robe u cestovnom saobraćaju treba prikupljati i način na koji te podatke treba prikazati.

Agencija za statistiku BiH je po prvi puta izvršila međunarodno izvještavanje zajedničkog Eurostat/UNECE/ITF upitnika „*WEB COMmon Questionnaire (WEBCOQ)*“. Unešeni su raspoloživi podaci statistike saobraćaja za seriju godina.

Izvršeno je međunarodno izvještavanje UNECE upitnika o prometnim nesrećama na cestama Bosne i Hercegovine (UNECE Questionnaire on Road Injury Accidents) i UNECE upitnika o cestovnom i željezničkom saobraćaju, sa dostupnim podacima.

Agencija za statistiku BiH je prevela Rječnik za statistiku saobraćaja, četvrto izdanje (*Glossary for transport Statistics*, fourth edition, Eurostat). Prevedene termine je Direkcija za evropske integracije BiH preuzela u svoju terminološku bazu. Direkcija za evropske integracije intenzivno radi na prikupljanju i utvrđivanju stručne terminologije u svim oblastima koje su vezane za evropske integracije.

3.06 Statistički poslovni registar

Ažuriranje statističkog poslovnog registra

U 2011. godini nastavljen je rad na razvoju i usaglašavanju BiH Statističkog poslovnog registra (SPR) prema EU Regulativi za statistički poslovni registar (Statistical Business Register Regulation EC No. 177/2008) kojom je uspostavljen jedinstveni okvir poslovnih registara za statističke potrebe u zemljama članicama EU. Procjene o usaglašenosti BiH SPR sa EU redovno se daju u Eurostat Compliance Monitoring (SMIS+).

Intenzivirana je saradnja sa entitetskim statističkim institucijama na daljem unaprijeđenju BiH SPR-a na praktičnim i metodološkim pitanjima. Kontinuirano se radilo na ažuriranju podataka SPR, poboljšanju obuhvata i kvalitete podataka, usaglašavanju metodologije vođenja, ažuriranja i obrade podataka SPR, te na uključivanju novih izvora podataka. SPR se u statističkom sistemu BiH sve više koristi kao jedinstveni okvir za provođenje poslovnih statističkih istraživanja i anketa za cijelu državu.

Početak 2011. godine završena je implementacija nove KD BiH 2010 u SPR, u dijelu koji se odnosi na preduzeća, pravne subjekte. Svim jedinicama registra, pravnim subjektima, pored postojeće šifre glavne djelatnosti dodjeljena je i šifra glavne djelatnosti prema KD BiH 2010 (EU NACE Rev.2).

Za preduzeća koja obavljaju i druge, sporedne djelatnosti, (gdje je to bilo evidentno na osnovu raspoloživih podataka) pored šifre glavne djelatnosti dodjeljena je i šifra sporedne(ih) djelatnosti.

U 2011. počelo je značajnije korištenje SPR-a kao jedinstvenog okvira za provođenje statističkih istraživanja: kratkoročna pilot (STS) istraživanja za građevinarstvo i saobraćaj; investicije u stalna sredstva; redovno strukturno SPS istraživanje; UNDP anketa za djelatnosti kulture i dr.

Poboljšanje kvalitete i obuhvata SPR-a provodi se, velikim dijelom, ažuriranjem podataka uz upotrebu podataka iz različitih administrativnih izvora.

Sa aspekta upotrebe SPR-a posebno je važno raspolaganje s ažurnim podacima o broj zaposlenih i o ostvarenom prometu, koji predstavljaju tzv. „stratifikacione varijable“, a koriste se za izbor jedinica uzorka, izvođenje rezultata na nivou totala, razvrstavanje jedinica registra po veličini (mikro, mala, srednja, velika), analizu poslovanja subjekata i sl.

Do 2011. za određivanje broja zaposlenih jedinicama SPR-a, kao osnovni izvor, koristili su se podaci iz Godišnjih finansijskih izvještaja. Međutim uspostavom jedinstvenih sistema za registraciju, kontrolu i prikupljanje doprinosa i poreza na plaće i zarade stvoreni su uslovi za korištenje podataka iz tih baza, što predstavlja kvalitetniji i ažurniji izvor.

Entitetski zavodi za statistiku u 2011. su otpočeli aktivnosti u vezi sa korištenjem i tih izvora i osiguranja pristupa podacima tih baza.

Na taj način se stvaraju pretpostavke za poboljšanje kvalitete i ažurnosti podataka o zaposlenim u SPR-u u narednom periodu. Porezna uprave Republike Srpske od 2010. godine i Porezna uprava Federacije BiH od 2011. godine su nadležne za uspostavljanje i vođenje baza podataka jedinstvenih sistema registracije, kontrole i naplate doprinosa, koje sadržavaju i potrebne podatke o broju zaposlenih po poslovnim subjektima.

Ažurniji i kvalitetniji izvor podataka za finansijske podatke u SPR (podaci o ostvarenom prometu), u odnosu na podatke iz Godišnjih finansijskih izvještaja, predstavljaju podaci Uprave za indirektno oporezivanje iz PDV baze (ALISA). Unatoč potpisanom Sporazumu sa Upravom podaci ni u 2011. nisu dostavljeni Agenciji, što predstavlja problem vezan za kvalitetu podataka Statističkog poslovnog registra.

Nastavljena je saradnja sa CB BiH i unaprijeđen rad na preuzimanju i temeljitijem korištenju baze transakcijskih računa za popravljavanje kvaliteta podataka koji se odnose na aktivnost/ neaktivnost jedinica SPR.

U 2011. prvi put je pripremljeno i objavljeno saopštenje o broju preduzeća (bez preduzetnika) u SPR-u. Saopštenje sadrži podatke o broju preduzeća razvrstanih po ekonomskim djelatnostima, klasama zaposlenih i klasama prihoda. Izrada i publikovanje saopštenja će se nastaviti i u slijedećoj godini tako da će to postati redovna aktivnost. Po prvi put je za BiH popunjen i Eurostatov godišnji upitnik „2011 Eurostat Annual Business Register Questionnaire“, i ta aktivnost će se nastaviti i narednih godina.

Također, odvijale su se i aktivnosti na realizaciji specifičnih zahtjeva internih i eksternih korisnika za potrebe ekonomskih analiza i sl.

Svi poslovi na SPR podrazumijevaju blisku saradnju sa entitetskim zavodima za statistiku i zahtjevaju neophodnu i stalnu podršku IT sektora, što uključuje doradu aplikacija, izradu novih alata za pretraživanje baze, kao i realizaciju svih korisničkih zahtjeva.

Urađeni su svi neophodni pripremni poslovi vezano za planiranje aktivnosti i implementaciju IPA 2008. uključujući i samu realizaciju prve SBR misije.

Na nivou države i u 2011. bio je prisutan problem korištenja SPR-a zbog nepostojanja individualnih finansijskih podataka i individualnih podataka o broju zaposlenih. Naime, Agencija za statistiku BiH ima podatke o definisanim rasponima, dok entitetski zavodi za statistiku posjeduju individualne podake u apsolutnim brojevima. Pitanje razmjene individualnih podataka između entitetskih zavoda i Agencije (posebno sa RZSRS) treba riješiti na najvišem nivou, kako bi se SPR u Agenciji mogao dosljednije koristiti. Problem SPR-a je i nepostojanje adekvatnih podataka o broju zaposlenih za poslovne subjekte preduzetnike i u tom smislu treba poraditi na korištenju raspoloživih podataka entitetskih poreznih uprava.

4. STATISTIKA POLJOPRIVREDE, ŠUMARSTVA I RIBARSTVA

4.01 Statistika poljoprivrede

Statistika biljne proizvodnje

U statistici biljne proizvodnje u 2011. godini osnovni podaci biljne proizvodnje su se proizvodili, agregirali i objavljivali za nivo BiH. Usaglašenost sa međunarodnim standardima je prilično dobra, naročito po pitanju glavnih indikatora (površine u ha, proizvedene količine i prosječan prinos) u skladu sa regulativom Vijeća 543/2009/EC. Agregirani su podaci o ostvarenim prinosima ranih i kasnih usjeva za nivo BiH za glavne grupe usjeva: žitarice, industrijsko bilje, mahunarke, povrće i stočno krmno bilje, voće i grožđe. Agencija za statistiku BiH dostavlja podatke EUROSTAT-u i FAO.

Statistika stočarstva

Redovno se prikupljaju, obrađuju i diseminiraju podaci o brojnom stanju stoke i stočne proizvodnje, kao i agregiranje podataka klanja stoke i peradi u klaonicama na osnovu usklađenih istraživanja u obje entitetske statistike i podružnici Brčko. Podaci su dati po vrstama domaćih životinja i kategorijama. Indikatori su usklađeni sa regulativom Vijeća broj 1165/2008: broj zaklanih grla, neto težina i randman. Vršni se međunarodno izvještavanje (podaci o proizvedenom mesu i broju zaklanih grla za nivo BiH).

U 2011. godini dizajniran je upitnik i metodologija za istraživanje o prikupljanju kravljeg mlijeka i proizvodnji mliječnih proizvoda. Entitetski zavodi za statistiku proveli su pilot istraživanja na mjesečnom nivou. Dobiveni su indikatori o prikupljanju sirovog kravljeg mlijeka i proizvodnji mliječnih proizvoda. Indikatori i periodičnost su prilagođeni EU legislativi - Direktivi Vijeća 96/16/EC. Planira se uvođenje ovog istraživanja kao redovna aktivnost u 2012. godini.

Definisano je Godišnje pilot istraživanje o prikupljenom sirovom mlijeku (sve vrste mlijeka) i proizvodnji mliječnih proizvoda u mljekarama. Dizajniran je obrazac i urađena metodologija. Istraživanje će biti pokrenuto u 2012. godini kao pilot.

U saradnji sa entitetskim statističkim zavodima izvršene su pripreme za pokretanje probnih istraživanja (dizajnirani su upitnici i metodologije):

- Mjesečni izvještaj o aktivnosti valionica/inkubatorskih stanica
- Godišnji izvještaj o strukturi valionica/inkubatorskih stanica

4.02 Poljoprivredne strukture

Poljoprivredni popis

Glavne aktivnosti poboljšanja statistike poljoprivrede u 2011. godini bile su vezane za pripreme za popis poljoprivrede kroz implementaciju IPA 2007 projekta „Jačanje i harmonizacija informacija u poljoprivredi i ruralnog razvoja“ sa slijedećim implementiranim aktivnostima:

- Izvršen je unos podataka Pilot popisa poljoprivrede. Unos je izvršen u Blaise aplikaciji u Sarajevu (na jednom mjestu)
- Izvršena je analiza podataka i tabeliranje podataka u SPSS i MS ACCES-u
- Pripremljeni su polazni strateški dokumenti za provođenje punog

popisa poljoprivrede

- Pripremljen je Draft Zakona o popisu poljoprivrede. Vijeće za statistiku BiH je donijelo odluku da se formira interresorna radna grupa za izradu Nacrta Zakona o popisu poljoprivrede. Odluka je prosljeđena Vijeću Ministara na usvajanje.

U sklopu IPA 2008 projekta regionalne statističke saradnje uz tehničku pomoć eksperata Eurostata finalizovan je obrazac za popis poljoprivrede, definisana su pravila za buduću transmisijsku podataka Eurostatu (EUROFARM baza podataka), te je izvršena kalkulacija standardnih outputa 2007 (SO) biljne i stočne proizvodnje, koji predstavlja prosjek SO 2005-2009.

4.04 Poljoprivredni računi i cijene

Statistika cijena u poljoprivredi

U 2011. godini nastavljen je rad na poboljšanju statistike cijena, po preporuci SIDA/SCB eksperata. Dizajnirani upitnik sa indikatorima inputa iz 2010. godine koristio se za kvartalna istraživanja cijena u 2011. godini i to: veterinarskih proizvoda, sredstava za zaštitu bilja, pesticida i hrane za životinje. Također redizajnirani su upitnici statistike cijena outputa (TRG-ovi 13,31 i 33).

Izvršen je obračun indexa cijena inputa za 2005-2010. na kvartalnim nivoima. Kao ponder uzeta je bazna 2005. godina (međufazna potrošnja).

4.05 Statistika šumarstva

Istraživanja o proizvodnji i cijenama šumskih sortimenata

Nastavljena su redovna istraživanja cijena šumskih sortimenata na kvartalnom nivou u 2011. godini.

Urađena je metodološka osnova i provedeno je Pilot istraživanje o ekonomskim računima u šumarstvu od strane entitetskih statističkih zavoda. Stvorena je osnova da se istraživanje provodi na redovnoj osnovi u 2012. godini.

Provodi se glavno istraživanje o proizvodnji, prodaji i zalihama šumskih sortimenata. Podaci o proizvodnji šumskih sortimenata se redovno prikupljaju od strane entitetskih statističkih zavoda na osnovu mjesečnih istraživanja. Agencija za statistiku BiH publikuje kvartalna i godišnja saopštenja. Objavljeni su podaci proizvodnje, prodaje i zaliha šumskih sortimenata za četinare i lišćare. Podaci se redovno dostavljaju UNECE/FAO/EUROSTAT.

4.06 Statistika ribarstva

Pilot istraživanje o akvakulturi

Statistika ribarstva – U 2011. godini Odsjek je kompilirao podatke entitetskih statističkih zavoda o akvakulturi na osnovu novog redizajniranog upitnika i metodologije koji su u potpunosti usklađeni sa novom Uredbom EU broj 762/2008.

5.03 Statistika okoliša i računi

Statistika otpada

Publikovano je redovno godišnje istraživanje „Otpad iz proizvodnih djelatnosti“, referentna 2009. godina. Također su publikovani podaci o komunalnom otpadu, referentna 2010. godina. Saopštenja bi trebala doprinijeti boljem razumijevanju Regulative o statistici otpada 2150/2002/EC i implementaciji zakonodavne prakse EU u području upravljanja otpadom.

Izvršeno je izvještavanje Eurostata sa podacima o komunalnom otpadu za 2010. godinu.

Izvršeno je probno statističko istraživanje „Godišnje istraživanje o preradi/zbrinjavanju otpada“- OTP-P, a u cilju zadovoljavanja Regulative o statistici otpada. Upitnik je testiran, i ažurirana je softverska aplikacija za ovo istraživanje.

Urađen je prvi tematski bilten „Okoliš, energija, saobraćaj“. Za potrebe izrade tematskog biltena uspostavljen je kontakt sa Federalnim ministarstvom za okoliš i turizam koji je dostavio podatke o uvozu/izvozu otpada prema Baselskoj konvenciji (prekogranični promet otpada).

Također je za potrebe izrade tematskog biltena uspostavljen kontakt sa Ministarstvom za vanjsku trgovinu i ekonomske odnose, Odjel za zaštitu okoliša, od kojeg su preuzeti podaci o supstancama koje oštećuju ozonski omotač.

Troškovi u zaštitu okoliša

Prateći Program statističkih istraživanja za 2011. godinu, izvršeno je pilot istraživanje „Investicije i troškovi u zaštitu okoliša“. Cilj pilot istraživanja je bio istražiti razumljivost i jasnost samog upitnika, a koji će se koristiti za redovno statističko istraživanje. Preveden je metodološki priručnik za ovo istraživanje (na osnovu dokumenta SERIEE- Investicije i troškovi u oblasti okoliša – (Eurostat, 2002). Priručnik će služiti kao metodološki standard za harmonizovan pristup problematici okolišnih troškova i investicija u BiH.

Statistika voda

Redovno su publikovana godišnja istraživanja statistike voda, referentna 2010. godina.

Klimatske promjene

Publikovano je prvo saopštenje: „Emisije stakleničkih plinova iz sektora poljoprivrede“, referentni period 2005-2009. Izračunate emisije stakleničkih plinova u sektoru poljoprivrede su rezultat uspješne saradnje Agencije za statistiku Bosne i Hercegovine i eksperata statistike Švedske, koji su pružili stručnu metodološku pomoć u izračunavanju emisija.

Razvoj okolišnih indikatora

Upotreba indikatora omogućuje praćenje promjena stanja određenog parametra u vremenu, kao i praćenje ostvarenja zacrtanih ciljeva sektorskih politika ili strategija.

U cilju razvoja 36 UNEPE/UNSD indikatora, koordinirane su aktivnosti između relevantnih institucija nadležnih za pitanja okoliša u Bosni i Hercegovini, podaci su prikupljeni, izvršena je provjera i obrada kvaliteta podataka. Radni dokument može se naći na stranici: <http://www.unece.org/stats/documents/2011.10.environ.html>

Odjel je aktivno učestvovao na izradi nacionalnog izvještaja za Bosnu i Hercegovinu za radionicu "*Working Group on Environmental Monitoring and Assessment*", a koji je prezentovan na radionici od 20. do 21.10.2011. u Ženevi. Relevantni dokument se može naći na adresi: http://www.unece.org/env/europe/monitoring/12th_mtg.html

Odjel je aktivno učestvovao na izradi dokumenta "*2nd Environmental Performance Review of BiH*". Dokument sagledava napredak koji je Bosna i Hercegovina napravila u upravljanju okolišem od prvog pregleda koji je u zemlji proveden 2004. godine. Ovaj drugi EPR obuhvata devet pitanja od važnosti za Bosnu i Hercegovinu, koja se odnose na donošenje politika, planiranje i implementaciju, finansiranje okolišnih politika i projekata i integriranje pitanja okoliša u ekonomske sektore. Dokument se može naći na adresi: http://www.bhas.ba/dokumenti/EPR_2_001_01-bh.pdf.

Za regionalni projekat "*Building Shared Environmental Information System elements in the West Balkan countries based on the EEA Core Set of Indicators*", Odsjek je koordinirao aktivnosti među relevantnim institucijama u zemlji za izradu dodatnih indikatora (EEA core set 37 indikatora), kao i izvršio ažuriranje već razvijenih indikatora.

Aktivno učešće Odjela ogleda se i u izradi EEA regionalne publikacije za zemlje zapadnog Balkana, dokument se može naći na: http://dl.dropbox.com/u/19628604/WB%20environmental%20CSI%20First%20draft_9NOV2011.zip

Statistika je uzela aktivno učešće na izradi nacрта prvog dokumenta o "*Izvještaj o stanju okoliša Bosne i Hercegovine*".

5.07 Informaciono društvo

Statistika telekomuni- kacija i korištenje IT tehnologija

Publikovano je redovno godišnje i kvartalno saopštenje statistike telekomunikacija (telekomunikacijska oprema, mreža i usluge).

6.01 Klasifikacije

Klasifikacija djelatnosti Rad na Klasifikaciji djelatnosti KD BiH 2010 završen je u prethodnom periodu i ona se primjenjuje od 01. 01. 2011. godine. KD BiH 2010 je potpuno usaglašen sa EU važećom klasifikacijom djelatnosti (NACE Rev. 2 European Classification of Economic Activities, Regulation No. 1893/2006) i njena primjena podrazumjeva obavezu preregistracije i usklađivanja djelatnosti svih registrovanih poslovnih subjekata u BiH.

Kako bi se korisnicima omogućili lakši pristup KD BiH 2010 u 2011 urađen je i objavljen „Abecedni indeks klasifikacije djelatnosti KD BiH 2010“ i postavljen e-pretraživač, kao instrumenti za njenu primjenu i korištenje.

U skladu sa zahtjevima brojnih korisnika, a s ciljem efikasnije implementacije KD BiH 2010, pravilnog tumačenja i preregistracije poslovnih subjekata, redovno se u 2011. radilo na pripremi i davanju odgovora na postavljene upite. Pripremana su detaljna obrazloženja i tumačenja nove klasifikacije i njene upotrebe za određivanje glavne i sporednih djelatnosti. Također, davane su upute za pravilno korištenje pripremljenih alata za pregledanje KD BiH 2010, što uključuje Tabele veza, Abecedni indeks klasifikacije djelatnosti i e-pretraživač.

U 2011. formiran je i klasifikacijski server radi jedinstvene upotrebe svih ekonomskih klasifikacija i njihovog međusobnog povezivanja (KD BiH 2010, KPPD BiH 2010), te povezivanja različitih verzija istovrsnih klasifikacija korištenih u proteklom vremenu.

Klasifikacija proizvoda Posao na izradi nove klasifikacije proizvoda po djelatnostima - KPPD BiH 2010 (standard CPA 2008, „European Classification of Products by Activity“, EU Regulativa br. 451/2008) je završen u prethodnom periodu. Primjena nove KPPD BiH 2010 počela je 01.01.2011. godine. U 2011. obavljene su značajne aktivnosti čija je svrha bila pomoć u implementaciji u smislu detaljnog tumačenja klasifikacije proizvoda i njene upotrebe, kao i korištenja pripremljenih tabela veza. Ostvarena je saradnja s IT sektorom u cilju formiranja klasifikacijskog servera zbog jedinstvene upotrebe ekonomskih klasifikacija i njihovog međusobnog povezivanja.

Nomenklatura industrijskih proizvoda Nova Nomenklatura industrijskih proizvoda BiH 2010 (NIP BiH 2010), zasnovana na EU PRODCOM listi 2010 (EU Regulativa br. 163/2010 - Products of European Community) i EU regulativama br. 3924/91, 912/2004, službeno je objavljena u „Službenom glasniku BiH“ br. 12/11. Kako su uočene neke sitnije greške u NIP BiH 2010 u „Službenom glasniku BiH“ br. 41/11 od 26. 05.2011 objavljena je ispravljena verzija.

Kao instrument za implementaciju NIP BiH 2010 kompletirane su tabele veza između nove i prethodne verzije nomenklature. Tabele su korištene pri preračunavanju historijskih PRODCOM podataka, tj. podataka iz ranijih godina na novu nomenklaturu, radi mogućnosti upoređivanja podataka u međunarodnim razmjenama i za zadovoljavanje potreba BiH korisnika.

Klasifikacija zanimanja U toku 2011. godine izvršeno je ažuriranje Klasifikacije zanimanja tj. dodavanjem u sistemski popis zanimanja 344 zanimanja prema preporukama korisnika i entitetskih statističkih zavoda.

KZBIH-08 je u potpunosti usaglašena sa međunarodnom klasifikacijom zanimanja – ISCO-08.

U cilju olakšanog pristupa klasifikaciji zanimanja Agencija je omogućila pristup klasifikaciji korisnicima na svojoj internet stranici. Na taj način korisnici putem e-pretraživača mogu veoma lahko pronaći i odrediti šifru grupe za svako pojedinačno zanimanje.

6.02 Obuke

Obuka osoblja Obuka statističara putem međunarodne saradnje, radionica, sudjelovanja u radu radnih grupa evropskih statističara je kontinuiran proces.

6.03 IT podrška, standardi i alati za statističku proizvodnju

Popisne aktivnosti IT Realizovane su aktivnosti koje su vezane za pripremu probnog Popisa i Popisa stanovništva u BiH i to:

- Urađena je finalna verzija upitnika P1, P2 i P3, te upitnika za testiranje popisivača;
- U postupku je provođenje tenderske procedure u Delegaciji Evropske komisije za nabavku neophodne softverske i hardverske opreme za obradu materijala popisa;
- Razvijena je aplikacija za ručni unos podataka koja će biti korištena u probnom popisu;
- U toku je realizacija II faze obuke osoblja koje će biti u radnim grupama za potrebe Popisa (50 osoba iz Agencije za statistiku BiH);
- Pripremljena je tehnička specifikacija za DMS (Document Management System) za potrebe monitoringa aktivnosti na Popisu;
- Nije realizovana planirana rekonstrukcija ICT infrastrukture u skladu sa planom priprema za Popis (dio aktivnosti planiran za 2011. godinu) zbog privremenog finansiranja.

Aplikacije i baze podataka Trenutno se u Agenciji za statistiku BiH koristi 35 aplikacija koje služe kako za unos tako i za obradu podataka dobijenih iz istraživanja. Kontinuirano se radi na dizajnu i razvoju novih aplikacija za potrebe statističkih istraživanja, kao i na unaprijeđenju i održavanju postojećih aplikacija.

Pripremljene su baze podataka bruto i neto plaća, indeksa obima industrijske proizvodnje za objavljivanje na web stranici Agencije za statistiku BiH.

Baza indeksa potrošačkih cijena je objavljena na web stranici.

Razvijen je i pušten u rad e-pretraživač klasifikacije zanimanja i klasifikacije djelatnosti.

Održavanje web stranice Unaprijeđen je dizajn web stranice u dijelu aktivnosti, vijesti i publikacija. Pripremljena je i postavljena anketa o zadovoljstvu korisnika. Razvijen je kalendar objavljivanja statističkih podataka.

6.06 Informisanost i diseminacija

Publikacije, saopštenja, web stranica, Intranet

Prema Kalendaru za objavljivanje statističkih podataka za 2011. godinu su pripremljene, štampane i objavljene publikacije, mjesečna saopštenja iz najvažnijih statističkih istraživanja (*Indeks potrošačkih cijena, Prosječne cijene, Zaposlenost, Nezaposlenost, Turizam, Vanjska trgovina, Bruto i neto plaće, Industrija, Distributivna trgovina*), kvartalna i godišnja saopštenja.

Organizovano je 14 konferencija za novinare (12 redovnih i 2 vanredne, prijem za novinare i dostava materijala sa konferencije za novinare - objavljeno 13 publikacija i 200 saopštenja (u tri jezične varijante).

Pripremljen je i štampan godišnji plan i izještaj Agencije na sva 3 lokalna jezika, kao i vanredna publikacija *Opći izbori 2010*, te publikacija *BiH u brojevima*.

Sve publikacije su lektorisane, prevedene i pripremljene na sva tri lokalna jezika: bosanski, hrvatski i srpski, a djelomično i prevedene na Engleski jezik i publikovane na web stranici www.bhas.ba.

Proširena je web stranica Agencije i Intranet stranica za internu komunikaciju, postavljen i održavan novi server za web stranicu www.bhas.ba u Agenciji za statistiku BiH, održavan e-mail, NewsLetter i dr. Omogućeno je praćenje informacija o statističkim podacima i vijestima na Twitter-u. Postavljen je i link na kviz „Provjerite svoje znanje o statistici“ na našem jeziku.

Koncepcija i izgradnja baza podataka

Razvijene su i ažurirane slijedeće baze podataka :

- Proširena i ažurirana baza za korisnike i korisničke zahtjeve;
- Završene baze ekonomskih klasifikacija i publikacije KPPD 2010, KD 2010, PRODCOM i
- Proširena je DEV INFO baza sa podacima o demografiji (stanovništvo, vitalna statistika), ekonomiji, obrazovanju i socijalnoj zaštiti. U ovoj bazi su osnovni indikatori za Popise stanovništva od 1879. do 1991.

Odnosi s javnošću i korisnicima

Izdavanje publikacija, podataka, informacija vezanih za način poslovanja, dostava različitih vrsta materijala putem pošte/presa/maila, sastanci sa korisnicima.

Rješavanje korisničkih zahtjeva iz publikovanih podataka ili putem posebne obrade; pomoć korisniku pri traženju podataka i pretraživanju baza podataka; obavještavanje o najnovijim statističkim publikacijama redovno prema planu publikovanja; ažuriranje i pravodobna popuna upitnika međunarodnih organizacija. Održavanje redovnih mjesečnih konferencija za novinare.

Od ove godine Agencija za statistiku Bosne i Hercegovine u saradnji sa Eurostatom pruža mogućnost besplatnog pretraživanja statističkih informacija, baza podataka i elektronskih publikacija iz mreže nacionalnih centara - *European Statistical Data Support (ESDS) pomoću razvijenih modula iz Assist aplikacije*, pruža pomoć korisnicima i odgovara na zahtjeve na sva tri zvanična jezika BiH i šalje kvartalne izvještaje o pruženim uslugama.

6.09 Međunarodna saradnja i evropske integracije

Realizovane aktivnosti Odjel za međunarodnu saradnju i evropske integracije implementira različite aktivnosti u ispunjenju svojih zadataka:

- Kontakti sa međunarodnim organizacijama i institucijama
- Učestvovanje predstavnika statističkih institucija na različitim međunarodnim sastancima i obukama
- Koordinacija donatorske pomoći i implementacija različitih projekata
- Koordinacione aktivnosti u regionalnim programima pomoći (koji obuhvataju više zemalja)
- Programiranje i priprema prijedloga za buduće projekte
- Regionalna i bilateralna saradnja
- Dostavljanje podataka Eurostatu i drugim organizacijama (putem različitih upitnika i aplikacija)
- Horizontalne aktivnosti - Koordinacija unutar statističkog sistema BiH
- Aktivnosti vezane za Evropske integracije: izvještavanje o izvršavanju obaveza proizašlih iz Sporazuma o stabilizaciji i pridruživanju s EU, Evropskog partnerstva i drugih relevantnih dokumenata; praćenje napretka u statistici i izvještavanje
- Organizacija sastanka
- Prevođenje

Najvažnije realizovane aktivnosti:

1. Kontakti sa međunarodnim institucijama i organizacijama su bili intenzivni i u 2011. godini. Kao i obično, najintenzivnija je bila komunikacija s Eurostat-om. U organizaciji Eurostata izvršena je prilagođena globalna procjena (AGA) statističkog sistema u BiH. Nakon dvije posjete EU stručnjaka i dostavljanja relevantne dokumentacije o BH statističkom sistemu, pripremljen je i finalni izvještaj (dostavljen u oktobru 2011). On će služiti kao osnov za sva buduća planiranja.

Od ostalih, izdvajaju se kontakti u vezi planiranja budućih projekata sa donatorima: EU, Sida, GIZ, MMF.

2. Učešće BH predstavnika na različitim međunarodnim sastancima – kao npr. sastancima radnih grupa u organizaciji Eurostata i raznih međunarodnih organizacija je bilo omogućeno najčešće putem donatorskih sredstava (ugl. kroz IPA 2008 i 2009 MBP), koristeći jednokratne podrške (npr. UNFPA finansiranje za prisustvo prezentaciji popisa u Bjelorusiji), ali i vlastitim sredstvima.

Statističari iz sve tri institucije i iz skoro svih oblasti imali su priliku učestvovati na međunarodnim sastancima i radnim grupama.

Svoje predstavnike BHAS je imala i na redovnim godišnjim sastancima kojima prisustvuju samo predstavnici sa nivoa države kao što su: UNSD u New York-u, UNECE u Ženevi, MGSC u Luxembourg, DGINS-a u Njemačkoj. Veoma važna aktivnost za BHAS je i učešće na redovnom PGSC-a sastanku koji je održan 2011. u Zagrebu.

Stručna obuka u različitim statističkim oblastima je organizovana i implementirana naročito u okviru IPA regionalnog projekta, Sida/SCB nacionalnog i regionalnog projekta, bilateralne saradnje sa Slovenijom i

studijskih posjeta.

3. U 2011. godini važno je pomenuti implementaciju slijedećih projekata:

a) Nacionalni projekti

- IPA 2008 Twinning projekat – počeo sa implementacijom u septembru 2011. i trajeće dvije godine. Ovaj projekat predstavlja direktni nastavak CARDS Twinning projekta (završen u 2008) i Twinning Light projekat (realizovan u 2010. godini) Ima 3 komponente (1- za biznis statistike sa 3 podkomponente; 2- za prošireni HBS/podrška proširenoj anketi za potrošnju domaćinstva; 3- za institucionalno jačanje). Prve aktivnosti iz komponenti 1 i 3 su planirane krajem 2011. godine.
- Nacionalni projekat koji finansira Sida, a implementira Švedska statistika (faza II, period januar 2010 – decembar 2011). Komponente projekta se odnose na aktivnosti: statistička metodologija; šumarstvo; okoliš; energetika; tržište rada; rodna/gender statistika; STS/kratkoročne statistike. Završne aktivnosti projekta su implementirane u 2011. godini.
- U okviru projekta "Jačanje državnih institucija u BiH" koji finansira Njemačka vlada, a implementira u GIZ, Agencija za statistiku je jedna od (zasad) četiri odabrane institucije. Planiranje projekta je počelo u 2010. godini, a intenzivirano u prvoj polovini 2011. godine kada je počela i implementacija. Agencija, odnosno Odjel za međunarodnu saradnju, je u sklopu projekta krajem godine uspješno organizovalo radionicu za makroekonomske statistike kao prvu zajedničku aktivnost sa CBBiH.

4. Regionalni projekti

- Nakon završetka IPA 2008 MBP, zvanično je započela implementacija IPA 2009 Višekorisničkog projekta za statistiku (počeo u decembru 2010. godine i trajeće 2 godine, do kraja novembra 2012). BiH uzima učešće u slijedećim pilot projektima: vanjska trgovina, statistika cijena - PPP, nacionalni računi, BoP- platni bilans; LCS/statistika troškova rada; LCS indeks, migracije; energetska statistika, diseminacija; podrška korisnicima za korištenje podataka. Ovaj program ima komponentu za finansiranje učešća na međunarodnim sastancima, i obukama i slično, a koju koordinira Odjel međunarodne saradnje. Koristeći ovu podršku IPA projekta, veliki broj naših predstavnika uzeo je učešća na sastancima raznih radnih grupa u organizaciji Eurostata i raznih međunarodnih organizacija, a dva mlada zaposlenika su dobila šansu za stručno usavršavanje u zemljama EU.
- Sida Regionalni projekat je započeo u proljeće 2008. godine. Implementirano je više aktivnosti (komunikacije i korporativni imidž, prikupljanje podataka, ljetna škola itd). Projekat je nastavljen i u 2011. godini i ova faza će trajati do jula 2012. godine. Očekuje se i nastavak.

5. Novi planirani projekti - u proteklom periodu odjeljenje međunarodne saradnje je bilo zaduženo za programiranje i pripremu idejnih projekta za buduće aktivnosti.

Sve je rađeno u saradnji s entitetskim institucijama.

U sklopu saradnje sa Sida-om, planiran je i dogovoren nastavak nacionalnog projekta, faza III koja bi zvanično trebala početi sa

implementacijom u prvom kvartalu 2012. godine. Odjel međunarodne saradnje je bio zadužen za koordinaciju i pripremu prijedloga projekta u saradnji sa Statistikom Švedske što je uspješno odrađeno.

Drugi veliki projekat vezan za EU fondove je IPA 2011 projekat koji je trebao biti nastavak IPA 2008 Twinning projekta. Prva polovina 2011. godine je protekla u intenzivnom radu na izradi projekt fiche-a. Nažalost, zbog različitih stajališta tri statističke institucije u vezi definisanja svih preduslova za projekat, EU je odbacila prijedlog kao neusaglašen. Ipak, krajem 2011. godine počelo je programiranje IPA 2012-2013 projekata i statističke institucije su postigle konsenzus oko komponenti koje trebaju biti sastavni dio budućeg projekta (1.nacionalni računi; 2.biznis statistike kao nastavak rada na IPA 2008 Twinningu; 3.podrška popisu poljoprivrede i postpopisnim aktivnostima diseminacije; 4. Komponenta namijenjena CBBiH za finansijske račune; 4. razvoj ESSPROS_a u BiH). Slijedi nastavak rada, a završna faza pripreme projektnog prijedloga se očekuje u prvoj polovini 2012. godine.

Planiran je i nastavak saradnje sa MMF-om za dalji razvoj nacionalnih računa u BiH. MMF je potvrdio početak implementacije regionalnog projekta koji će obuhvatiti i BiH, a početak se očekuje u aprilu 2012. godine.

6. Regionalna i bilateralna saradnja (aktivnosti podržane od Odjela međunarodne saradnje) - Nakon potpisivanja bilateralnog ugovora o saradnji sa Državnim zavodom za statistiku Republike Slovenije (u decembru 2010. godine), implementirane su planirane aktivnosti za 2011. godinu. U kontaktima sa BH Direkcijom za evropske integracije dogovoreno je da bilateralne aktivnosti sa Slovenijom iz oblasti statistike budu nastavljene i u 2012. godini u okviru Sporazuma o privrednoj saradnji između Vijeća ministara BiH i Vlade Republike Slovenije, koji je potpisan u 2009. godini. Pripremljen je novi spisak aktivnosti koje bi trebale biti predmetom buduće saradnje.

Osim saradnje sa Slovenijom, važno je pomenuti i organizaciju studijskih posjeta Državnom zavodu Republike Hrvatske, naročito vezane za pripremu popisa u BiH.

Realizovana je i posjeta Turskoj u sklopu bilateralne saradnje dviju država i dogovorena pojačana saradnja u oblasti statistike.

7. Dostavljanje podataka u Eurostat, putem posebnih upitnika (za izradu publikacija), kao i drugim organizacijama, se obavlja pravovremeno i redovno više puta godišnje.

BHAS je i u 2011. uzela učešće u samoprocjeni vlastitih statističkih podataka i njihovoj uporedivosti sa evropskim (upotrebom SMIS+ programa, aktivnost koju organizuje Eurostat, a u BiH koordinira Odjel za međunarodnu saradnju). Bosansko-hercegovačka samoprocjena je i ovaj put zvanično odobrena i Eurostat je dostavio svoje komentare.

Komentari koje dostavi Eurostat još uvijek se ne koriste dovoljno za naše vlastite potrebe (npr. kod pravljenja planova i za poboljšanje rada).

8. Horizontalne aktivnosti - Koordinacija unutar statističkog sistema obuhvaća redovnu komunikaciju s entitetskim zavodima za statistiku, kao i drugim bh. institucijama koje dostavljaju podatke za statistiku. U protekloj godini je saradnja s entitetima naročito bila intenzivna prilikom planiranja AGA/prilagođene globalne procjene i kod planiranja novih projekata.

I pored ovoga, postoji prostor za poboljšanje komunikacije unutar statističkog sistema i Odjel za međunarodnu saradnju će tim povodom inicirati sastanak predstavnika sve tri institucije.

9. Vršeno je redovno praćenje Evropskog partnerstva i obaveza koje ima statistika. To je uključivalo redovno informisanje putem učešća na sastancima i slanja različitih vrsta izvještaja, te koordinaciju unutar statističkog sistema. Svi izvještaji su dostavljani pravovremeno.

Prema redovnom Izvještaju o napretku BiH za 2011. godinu, statistika je napravila mali napredak, ali glavni problemi ostaju neriješeni (usvajanje Zakona o popisu, nedostatak pune saradnje između statističkih institucija, nedostavljanje potrebnih podataka od strane Uprave za indirektno oporezivanje).

10. Odjel je učestvovao u organiziranju različitih sastanaka vezanih za planiranje buduće pomoći, a rad je bio intenzivan naročito u periodu mart-juni 2011. kada su obavljene dvije posjete EU stručnjaka. Odjel međunarodne saradnje je bio zadužen za organizaciju svih sastanaka vezanih za procjenu i koordinaciju unutar bh. statističkog sistema.

11. Poslove usmenog i pismenog prevođenja, za različite potrebe, Odjel je radio i u protekloj godini.

7. ADMINISTRATIVNA PODRŠKA

7.01 Upravljanje IT infrastrukturom

Održavanje i razmjena Razmjena podataka sa EUROSTAT-om vrši se putem jedinstvenih programskih alata koje je omogućio Eurostat.

Unaprijeđena je postojeća ICT infrastruktura, kako kroz nabavku nove opreme tako i kroz uvođenje standarda.

Nastavljene aktivnosti na implementaciji IT strategije.

Uspostavljene VPN konekcija sa entitetskim zavodima za statistiku.

7.02 Ljudski resursi

Normativno – pravna djelatnost

- Zakon o Popisu stanovništva, domaćinstava i stanova u Bosni i Hercegovini, upućen u parlamentarnu proceduru usvajanja u 2011. godini.
- Nacrt Zakona o izmjenama i dopunama zakona o statistici Bosne i Hercegovine je 21.12.2011. godine, upućen na Vijeće ministara Bosne i Hercegovine u redovnu proceduru razmatranja i usvajanja.
- Na 152. sjednici Vijeća ministara Bosne i Hercegovine održanoj 01.06.2011. godine, donesena Odluka o usvajanju Programa rada Agencije za statistiku Bosne i Hercegovine za 2011. godinu (godišnji program realizacije aktivnosti planiranih u Statističkom programu Bosne i Hercegovine, broj: 05-07-1-951-17a/11 od 01. 06. 2011. godine.
- Donesena Klasifikacija proizvoda po djelatnostima BiH 2010 - KPPD BIH ("Službeni glasnik BiH, br.30/11) i
- Nomenklatura industrijskih proizvoda - NIP BIH 2010 "(Službeni glasnik BiH, br.12/11).
- Prijedlog Odluke o formiranju Interresorne radne grupe za izradu Prijedloga klasifikacije prostornih jedinica za statistiku u Bosni i Hercegovini 19.01.2011. godine, upućena Vijeću ministara Bosne i Hercegovine u proceduru razmatranja i usvajanja, međutim ova tačka je skinuta s dnevnog reda.

Kadrovska popunjenost

Pravilnikom o unutrašnjoj organizaciji Agencije za statistiku BiH (broj 1187/08 od 02. 06. 2008. godine) za vršenje poslova iz nadležnosti Agencije za statistiku BiH sistematizovano je ukupno 192 izvršioca, i to: direktor 1, zamjenik direktora 2, pomoćnika direktora 9, šefovi odsjeka 23, ostali državni službenici 145, namještenici 12.

U Agenciji čija se unutrašnja organizacija i način rada zasniva na funkcionalnoj povezanosti unutrašnjih organizacijskih jedinica, od ukupno sistematizovanih 192 radna mjesta, na dan 31.12.2011. godine popunjeno je ukupno 93 radna mjesta (što procentualno iznosi 48% od ukupnog broja sistematizovanih radnih mjesta), od čega je: direktor 1, zamjenik direktora 2, pomoćnik direktora 5, načelnik odjeljenja 1, šefova odsjeka 14, ostalih državnih službenika 60, namještenika 10.

Iz razloga privremenog finansiranja, Agencija nije ispunila plan prijema novih djelatnika za 2011. godinu, u skladu sa odobrenim planom prijema od strane Vijeća Ministara BiH. Prijem je potrebno realizovati u 2012. godini kako bi se mogli implementirati međunarodni projekti i provesti Popis stanovništva, domaćinstava i stanova.

7.03 Upravljanje finansijskim sredstvima

Izveštaj Ureda za reviziju

Izveštaj o reviziji finansijskog poslovanja Agencije za statistiku BiH za 2010. godinu je pozitivno. Agencija je i u 2011. godini nastavila aktivnosti na daljem unaprijeđenju svog rada i primjeni preporuka Ureda za reviziju.

Izvršenje budžeta na dan 31.12.2011.*

KONTO	OPIS	Budžet za 2011. (izvršenje na 10.02.2012.)	Izvršenje sa 31.12.2011.	Indeks
I	TEKUĆI IZDACI	3.684.661	3.680.046	
6111	Bruto plaće i naknade	2.614.247	2.614.247	
6112	Naknade troškova zaposlenih i skupštinskih poslanika	305.145	304.559	
6131	Putni troškovi	110.133	108.162	
6132	Izdaci telefonskih i poštanskih usluga (PTT)	70.795	69.162	
6133	Izdaci za energiju i komunalne usluge	53.795	53.173	
6134	Nabavka materijala	63.031	63.030	
6135	Izdaci za usluge prijevoza i goriva	14.534	14.534	
6136	Unajmljivanje imovine i opreme	220.289	220.288	
6137	Izdaci za tekuće održavanje	52.238	52.237	
6138	Izdaci osiguranja, bankarskih usluga i usluge platnog prometa	4.293	4.292	
6139	Ugovorene usluge	176.161	176.160	
II	KAPITALNI IZDACI	0	0	
8213	Nabavka opreme - redovna		0	
	UKUPNO - RASHODI FINANSIRANI IZ BUDŽETA (I-II)	3.684.661	3.680.046	
II a	VIŠEGODIŠNJI KAPITALNI IZDACI - POPIS STANOVNIŠTVA	930.019	0	
	Nabavka opreme za Popis stanovništva	930.019	0	
	UKUPNO RASHODI FINANSIRANI IZ BUDŽETA (I+II+II a)	4.614.680	3.680.046	
III	PROGRAMI POSEBNE NAMJENE			
	Ažuriranje glavnog uzorka domaćinstava	10.629	10.629	
	Anketa HBS	1.207	1.208	
	Anketa Prošireni HBS	51.342	51.342	
	Cards 2005 Twinning project	153	153	
	Ostale donacije	54.033	54.115	
	SIDA projekti	10.514	10.514	
	UKUPNO	127.878	127.961	

PROBLEMI U REALIZOVANJU PLANA RADA AGENCIJE ZA STATISTIKU BIH

Poštlivanje Zakona o statistici BiH

I dalje imamo razlike u tumačenju i primjeni odredbi Zakona, pogotovo kada se radi o безусловnoj dostavi neophodnih, prvenstveno određenog seta individualnih podataka Agenciji od strane Republičkog zavoda za statistiku republike Srpske, čime se direktno krše odredbe Zakona o statistici BiH, kao i Zakona o statistici RS. Iz razloga daljeg harmonizovanja statističke legislative BiH s EU Aquis, Agencija za statistiku je pripremila Prijedlog izmjena Zakona o statistici BiH koji će se u toku 2011. godine uputiti u parlamentarnu proceduru.

Dostavljanje administrativnih podataka za statistiku vanjske trgovine

Agencija za statistiku BiH je ispunila planirane aktivnosti i ciljeve za 2011. godinu u ovoj oblasti uz određene probleme koji su onemogućili provođenje adekvatnih kontrola i poboljšanja kvaliteta podataka o robnoj razmjeni. Najvažniji problem je nedostavljanje podataka sa jedinstvenim identifikacijskim brojem tvrtki od strane Uprave za indirektno oporezivanje Bosne i Hercegovine.

Obračun ulaganja sredstava u investicije

Zbog postojećeg problema vezanog za dostavljanje kompletne baze podataka iz RZS RS obračun je urađen korištenjem anonimnih mikropodataka RZS RS i kompletne baze podataka dostavljene od strane FZS FBiH i Brčko distrikta BiH.

Kratkoročna statistika industrijske proizvodnje

Jedan od osnovnih problema koji je ostao otvoren je utvrđivanje zajedničkog panela statističkih jedinica za mjesečno istraživanje i načina upravljanja panelom tako da se on održava što je moguće stabilnijim.

Pokazatelji kvalitete su također važan element metodologije, ali entiteti i DBBiH još uvijek ih ne dostavljaju. Analizom konzistentnosti rezultata za BiH i entitetskih pokazatelja utvrđena je potreba za dodatnim usklađivanjem.

Također smatramo da je prolongiranje prelaska na implementaciju nove klasifikacije djelatnosti i nove nomenklature industrijskih proizvoda u mjesečnim istraživanjima za 2012. godinu i preračunavanja raspoloživih serija indeksa industrijske proizvodnje na novu klasifikaciju djelatnosti usložnilo situaciju u oblasti industrije i dodatno opteretilo izvještajne jedinice koje u 2012. godini moraju uporedo koristiti 2 standarda.

Ažuriranje statističkog poslovnog registra

Jedan od bitnih izvora za poboljšanje kvalitete podataka predstavljaju podaci iz PDV prijava Uprave za indirektno oporezivanje (baza ALISA). Unatoč potpisanom Sporazumu sa Upravom, podaci nisu dostavljani Agenciji niti u 2011, što predstavlja problem vezan za kvalitetu i ažurnost podataka Statističkog poslovnog registra.

Pristup podacima iz ovog izvora je važan prioritet u radu Agencije, koji se treba riješiti i tako omogućiti proizvodnju kvalitetnije i potpunije statistike, a istovremeno doprinijeti rasterećenju jedinica izvještaja i statističkog osoblja.

ALISA pokriva sva preduzeća i preduzetnike obavezne da se registruju za PDV (godišnji promet preko 50.000 KM) i one koji su dobrovoljno registrovani za PDV.

Problem SPR-a u 2011. bilo je i neraspolaganje odgovarajućim i ažurnim podacima o broju zaposlenih za poslovne subjekte. Za potrebe izrade okvira za statistička istraživanja i izbor uzorka, te određivanje veličine poslovnih subjekata po kriteriju broja zaposlenih, do sada su se kao izvor podataka koristili podaci iz godišnjih finansijskih izvještaja preduzeća. Podaci o broju zaposlenih za preduzetnike (SUR, STR i sl.) nisu raspoloživi u SPR. Sada postoje bolji i ažurniji izvori za broj zaposlenih i oni se što prije trebaju početi koristiti za ažuriranje podataka u SPR. U oba entiteta uspostavljeni su jedinstveni registri za registraciju, kontrolu i prikupljanje poreza i doprinosa na plaće i zarade, koje vode entitetske porezne uprave. Baza podataka pokriva sve poslovne jedinice, uključujući i preduzetnike.

**Anketa o
troškovima
rada**

Problem iz Pilot istraživanja - koji može imati za posljedicu neobjavljivanje podataka iz Ankete o troškovima rada na nivou BiH, kao i samu svrhu provođenja Pilot istraživanja, a sastoji se u tome da, Agencija ne može dobiti mikropodatke iz RZS RS koji se odnose na taj entitet.

PRILO;

PREGLED PUBLIKOVANJA U 2011. GODINI

TEMATSKI BILTENI:

- Demografija 2010
- Kultura i umjetnost 2010
- Socijalna zaštita u BiH 2010
- Vanjska trgovina 2010
- Bruto domaći proizvod 2010
- Industrijska proizvodnja u 2010. godini – prethodni PRODCOM rezultati
- Indeks potrošačkih cijena u BiH 2010
- Indeks cijena proizvođača industrijskih proizvoda u BiH 2010
- Investicije 2010
- BiH u brojevima - 2011

ANKETE:

Anketa o radnoj snazi 2011 - Konačni rezultati

SAOPŠTENJA:

- Statistika vanjske trgovine – 12 brojeva
- Demografija – 7 brojeva
- Statistika nacionalnih računa – 7 brojeva
- Građevinarstvo – 9 brojeva
- Statistika obrazovanja – 2 broja
- Poljoprivreda - 11 brojeva
- Šumarstvo – 5 brojeva
- Turizam – 12 brojeva
- Okoliš – 10 brojeva
- Indeks cijena potrošača (CPI) -12 brojeva
- Indeks proizvođačkih cijena – 12 brojeva
- Prosječne cijene – 12 brojeva
- Zaposlenost - 12 brojeva
- Nezaposlenost – 12 brojeva
- Prosječne neto plaće: mjesečnih 12, kvartalnih 4 i polugodišnjih 2 broja, godišnje 1
- Prosječne bruto plaće: mjesečnih 12, kvartalnih 4 i polugodišnjih 2 broja
- Industrijska proizvodnja - 12 brojeva
- Statistika saobraćaja – 7 brojeva
- Anketa o radnoj snazi 2010 - preliminarni podaci
- Distributivna trgovina – 4 broja
- Statistika telekomunikacijskih usluga u 2009
- Investicije-preliminarni podaci
- BDP –preliminarni podaci
- Statistika poslovnog registra

OSTALE PUBLIKACIJE:

- Nomenklatura industrijskih proizvoda BiH
- MD Strukturne poslovne statistike
- Rječnik saobraćaja
- Opći izbori 2010

GODIŠNJI IZVJEŠTAJ

o provedbi Statističkog programa
od značaja za Brčko distrikt BiH u 2011. godini

GODIŠNJI IZVJEŠTAJ

O izvršenju Statističkog programa od posebnog interesa za Brčko distrikt Bosne i Hercegovine u 2011. godini.

UVODNA RIJEČ

Izvještaj o izvršenju Statističkog programa od posebnog interesa za Brčko distrikt BiH u 2011. godini podnosi Agencija za statistiku BiH Podružnica/Ekspozitura Brčko u skladu sa članom 33. Zakona o statistici BiH ("Službeni glasnik BiH" broj: 26/04) i članom 6. i 7. Sporazuma o preuzimanju poslova, opreme, finansijskih sredstava i zaposlenih sa Biroa za statistiku Brčko distrikta BiH.

Izvještajem su obuhvaćena sva statistička istraživanja i statističke aktivnosti utvrđene Statističkim programom od posebnog interesa za Brčko distrikt BiH u 2011. godini.

U cilju dobijanja relevantnih statističkih podataka za većinu statističkih istraživanja vršen je prošireni obuhvat; u njega su bili uključeni poslovni subjekti sa sjedištem u Brčko distriktu BiH, kao i dijelovi poslovnih subjekata – "Podružnica" koje posluju na teritoriju Brčko distrikta BiH, a sjedište im je u entitetima, mimo utvrđenih kriterija i prakse koja se provodi u entitetima.

Od ukupno 155 statističkih istraživanja i aktivnosti Podružnica/Ekspozitura Brčko provela je 94 statistička istraživanja oficijalne statistike i 14 ostalih aktivnosti, 7 nadležnih ovlaštenih tijela za provođenje statističkih istraživanja provelo je 43 istraživanja, nisu izvršena 4 statistička istraživanja preuzeta iz Plana rada Agencije za statistiku BiH.

U Brčko distriktu BiH je zaokružen proces proizvodnje statistike sa svim fazama, kao i u entitetima. Ažurno je vođen Jedinstveni registar poslovnih i drugih subjekata i njihovih dijelova, Statistički poslovni registar, te Registar prostornih jedinica kao osnov za pravilan i potpun obuhvat jedinica posmatranja.

Pripreman je, štampan i izvještajnim jedinicama upućen statistički instrumentarij za provođenje svih istraživanja. Vršen je prijem i kontrola izvještaja i ostale statističke građe i proveden terenski rad. Podaci su obrađivani u skladu sa postojećom metodologijom. Rađene su i dodatne obrade za pojedina statistička istraživanja u slučaju proširenog obuhvata.

Kreirane su baze podataka i korisnicima blagovremeno osiguravani podaci.

Prioritetno su osiguravani podaci potrebni poslovnim i drugim subjektima, institucijama Brčko distrikta BiH i građanima u ostvarivanju njihovih prava i obaveza (podaci o BDP, prosječnim plaćama, koeficijentima rasta potrošačkih cijana i sl.).

Dobra je saradnja ostvarena i sa entitetskim zavodima za statistiku.

1.01 Statistika stanovništva

Vitalna statistika (rođeni, umrli, zaključeni i razvedeni brakovi)

Obrađeni su i u posebnoj tematskoj publikaciji iskazani podaci i pokazatelji demografije za period 2006 – 2010. godine, gdje su pored procjena iskazani podaci statistike rođenih, umrlih i zaključenih i razvedenih brakova u serijama po navedenim godinama. Za 2010. godinu iskazani su detaljni podaci.

Procjena broja stanovništva

U 2011. godini izrađene su procjene stanovništva za 2010. godinu. Procijenjen je broj ukupnog stanovništva sa prebivalištem na teritoriju Brčko distrikta BiH, broj prisutnog stanovništva, te broj domaćinstava koji se koriste za razne druge statističke analize. Procjene prisutnog stanovništva izvršena je prema spolu, prema starosti i starosnim grupama. Kao osnova za procjene korišteni su rezultati obrade demografskih podataka Poljoprivrednog popisa iz 2002. godine i podaci vitalne statistike bez podataka o migracijama 2003-2010. godine.

1.02 Statistika tržišta rada

Statistika zarada, zaposlenosti i nezaposlenosti

U oblasti statistike tržišta rada redovno su prikupljeni i obrađivani podaci o prosječnim neto i bruto plaćama o zaposlenom kod pravnih osoba po klasifikaciji djelatnosti, podaci o nezaposlenima i prosječnim mirovinama za nivo Brčko distrikta BiH.

Anketa o radnoj snazi

Prema utvrđenoj dinamici na godišnjem nivou u aprilu 2011. godine po šesti put je provedena metodom uzorka Anketa o radnoj snazi, ARS. Anketirano je ukupno 1002 izabrana domaćinstva. Prethodni rezultati ankete objavljeni su u septembru 2011. godine. Kompletni konačni rezultati ove ankete mogu se naći na web stranici Agencije za statistiku BiH.

Proširena anketa o potrošnji domaćinstava

Realizovana je proširena Anketa o potrošnji domaćinstava na izabranom uzorku za Brčko do 503 domaćinstva, tokom svih 12 mjeseci 2011. godine. Trenutno se podaci obrađuju, a konačni rezultati očekuju se za jesen 2012. godine.

1.03 Statistika obrazovanja

Statistika osnovnog, srednjeg i visokog obrazovanja

U oblasti statistike obrazovanja provedana su sva statistička istraživanja, a rezultati obrade su iskazani u posebnoj tematskoj publikaciji. Popunjeni su i poslani u Agenciju za statistiku BiH Upitnici UNESCO za statistiku predškolskog, osnovnog, srednjeg i visokog obrazovanja za Brčko distrikt BiH.

1.04 Statistika kulture

Kultura i umjetnost

U toku 2011. godine provedeno je Statističko istraživanje poslovnih subjekata iz područja kulturnih djelatnosti u organizaciji UNDP MDGF Fonda za razvoj, gdje su se u obuhvatu našli svi poslovni subjekti koji imaju šifru djelatnosti u skladu sa Listom kulturnih djelatnosti, a rezultati ovog istraživanja bit će prikazani u posebnoj publikaciji koja će biti objavljena za nivo Bosne i Hercegovine i sadržavati će podatke za Brčko.

Provedena su statistička istraživanja iz oblasti kulture tj. prikupljeni su podaci o radio i TV stanicama, kinu, pozorištu i bibliotekama.

1.05 Statistika zdravstva

Tematska publikacija

Iz oblasti statistike zdravstva, a u saradnji sa Odjelom za zdravstvo, izvršena je obrada podataka za posljednju godinu - a rezultati obrade su iskazani u posebnoj tematskoj publikaciji.

1.07 Statistika socijalne zaštite

Korisnici i ustanove socijalne zaštite

U oblasti statistike socijalne zaštite provedena su sva statistička istraživanja, a rezultati obrade su iskazani u posebnoj tematskoj publikaciji za period od 2006. do 2010. godine.

1.10 Statistika kriminaliteta

Istraživanja iz oblasti statistike kriminaliteta

Statistička istraživanja ostalih društvenih područja - za područje pravosuđa - kriminaliteta objedinjava Pravosudna komisija, a ostala istraživanja u svom domenu Policija Brčko distrikta BiH.

2. MAKROEKONOMSKE STATISTIKE

2.01 Godišnji ekonomski računi

Obračun BDP za nivo BiH

Urađen je obračun BDP za 2010. godinu po proizvodnoj metodi. Bruto domaći proizvod po proizvodnoj metodi obračunat je na bazi bruto dodane vrijednosti u tekućim cijenama i primjenom metodologija SNA 93 UN i ESA 95 Eurostata kao jedinstvenog standarda.

Obračunom su obuhvaćene institucionalne jedinice iz svih sektora: nefinasijski sektor, finansijski sektor, sektor Vlade, neprofitne institucije koje služe domaćinstvima i sektor domaćinstava, odnosno obuhvaćena je cijela ekonomija Brčko distrikta BiH.

Obračun BDP izvršen je na dva načina:

- prema sjedištu osnovnog poslovnog subjekta i pretežnoj djelatnosti za nivo BiH i

- po principu regionalnih računa sa uključenim podacima za podružnice kako bi se dobili relevantni podaci za lokalne potrebe.

Objavljena je tematska publikacija o BDP za Brčko distrikt BiH u 2010. godini po proizvodnoj i dohodovnoj metodi i u tekućim cijenama sa elementima procjene neobuhvaćenih ekonomskih aktivnosti.

Statistiku finansijskih računa provodila je Filijala CB BIH provođenjem pet

mjesečnih statističkih istraživanja utvrđenih Programom. Vladine finansije praćene su redovnim provođenjem tri statistička istraživanja Filijale CB BiH: servisiranje vanjskog duga i otplata međunarodnih obaveza, budžetski prihodi i rashodi i neplaćeni javni prihodi, te istraživanjem Direkcije za finansije o bruto naplati prihoda preko uplatnih računa. Podaci su obrađivani, a dijelom i publikovani u redovnoj publikaciji.

Obračun ulaganja sredstava u investicije

Provedeno je statističko istraživanje o investicijama pravnih osoba u 2010. godini. Podaci ovog istraživanja su prikupljeni i uneseni u skladu sa zahtjevima obrasca, a publikacija je objavljena i za prethodne godine sa podacima za preduzeća čije je sjedište u Brčko distriktu BiH (organizacijski princip). 2010. godina je prikazana u publikaciji, sa detaljnim razradama po organizacijskom principu i principu čistih djelatnosti.

2.06 Statistika cijena

Indeksi potrošačkih cijena u Brčko distriktu BiH

U oblasti statistike cijena i potrošnje tokom 2011. godine redovno su snimane potrošačke cijene na izabranim mjestima, podaci obrađivani u Agenciji i na osnovu toga objavljivana saopštenja o kretanju indeksa potrošačkih cijena u Brčko distriktu BiH na mjesečnom nivou.

Na bazi indeksa računati su koeficijenti rasta potrošačkih cijena neophodni za obraćun zatezних kamata u skladu sa odredbama Zakona o zatezним kamatama u Brčko distriktu BiH.

Indeks proizvođačkih cijena

U 2011. godini se nastavilo sa prikupljanjem i unosom podataka potrebnih za obraćun Indeksa cijena proizvođača u zajedničkoj aplikaciji za nivo BiH.

2.07 Statistika vanjske trgovine

Vanjska trgovina

U 2011. godini prikupljeni su podaci o vanjskotrgovaćkom prometu sa inostranstvom, a objavljena je i tematska publikacija sa detaljnim podacima za 2010. godinu i prvih šest mjeseci 2011. godine, te sa osnovnim podacima za prethodne godine.

3. POSLOVNE STATISTIKE

3.01 Godišnje poslovne statistike

Strukturne poslovne statistike

Provedeno je Strukturno poslovno istraživanje za 498 izabrane pravne osobe u područjima djelatnosti Prerađivaćke industrije, Energije, Građevinarstva, Trgovine, Ugostiteljstva i Saobraćaja.

Detaljni obrazac popunjavali su 68 izabranih preduzeća SPS-D/2010, a 429 skraćeni obrazac SPS-S/2010. Preduzeća registrovana u području Prerađivaćke industrije imala su obavezu da popune i dopunske upitnike iz ćijih obrada će se crpiti ponderi za izraćunavanje indeksa industrijske proizvodnje i gdje će bazna godina biti 2010.

Godišnja statistika industrijske proizvodnje Provedeno je godišnje istraživanje industrije IND 21 za 2010. godinu i prikupljeni godišnji podaci o proizvedenim količinama proizvoda za dalju proizvodnju, promjeni zaliha, prodaji proizvoda i sl. Po prvi put je to urađeno korištenjem PRODCOM liste 2011 i to za godine 2010, kao i budžet za 2009. godinu

3.02 Kratkoročne poslovne statistike

Kratkoročna statistika industrijske proizvodnje Provođena su istraživanja proizvodne statistike i kratkoročne statistike preduzeća. Mjesečno istraživanje industrije je redovno provođeno, podaci su obrađivani, a indeks fizičkog obima industrijske proizvodnje je računat za nivo BiH sa uključenim podacima za Brčko.

Kvartalno pilot istraživanje za područje građevinarstva i prometa U 2011. godini rađeno je kvartalno pilot istraživanje u kome je obuhvaćeno ukupno 116 pravnih osoba i to 76 iz područja građevinarstva i 40 iz područja prometa. Podaci su unošeni, i radi se na obradama. Ovo istraživanje se planira uvesti kao redovno u narednim godinama.

Kratkoročna statistika građevinarstva Provođeno je mjesečno istraživanje, te su kontinuirano objavljujani podaci koji se odnose na vrijednost građevinskih radova, broj radnika i efektivne sate rada. Podaci su obrađivani za potrebe Agencije za statistiku BiH tj. za nivo obrade BiH po slijedećim stavkama: vrijednost izvršenih građevinskih radova, od toga: novogradnja, rekonstrukcije, popravci, održavanja; koliko se odnosi na objekte visokogradnje, a koliko na objekte niskogradnje. Podaci su prikupljeni za sva preduzeća registrovana u djelatnosti građevinarstva sa deset i više zaposlenih radnika.

Distributivna trgovina U oblasti trgovine provedena su mjesečna i kvartalna istraživanja, a obrađeni podaci nisu objavljujani za nivo distrikta, nego su obrade dostavljene Agenciji za statistiku BiH.

Statistika turizma I istraživanja iz oblasti turizma i ugostiteljstva redovno su provođena, obrada podataka je vršena, a rezultati obrade publikovani u redovnim publikacijama.

Promet i komunikacije Redovno su provođena statistička istraživanja iz oblasti statistike prometa: statistika cestovnog prijevoza putnika, robe, željezničkog saobraćaja, pretovarima i uslugama u pristaništu, poštanskog prometa i telekomunikacija.

3.06 Statistički poslovni registar

Ažuriranje poslovnog registra Nastavljene su aktivnosti vezane za unaprijeđenje statističkog poslovnog registra kroz njegovo dopunjavanje podacima i ažuriranje prema dinamici utvrđenoj od strane Agencije za statistiku BiH. Statistički poslovni registar (SPR) je počeo da funkcioniра u 2009. godini. Tokom 2011. godine rađeno je na njegovom daljem dopunjavanju prema utvrđenoj dinamici rada. Tokom 2011. godine nastavljeno je sa radom na preklasifikaciji šifara djelatnosti u skladu KD 2010.

4. STATISTIKA POLJOPRIVREDE, ŠUMARSTVA I RIBARSTVA

Prikupljanje, obrada i objavljivanje podataka statistike poljoprivrede, šumarstva i ribarstva Tokom 2011. godine aktivno je rađeno na prikupljanju i obradi podataka za izradu indeksa ulazno izlaznih poljoprivrednih cijena u skladu sa propisanim međunarodnim standardima. Provedena su i sva ostala statistička istraživanja iz oblasti statistike poljoprivrede (ratarske proizvodnje i stočarstva), šumarstva, ribarstva i zaštite okoliša zahvaljujući izuzetno dobroj saradnji sa Odjelom za poljoprivredu i šumarstvo, kao i drugim Vladinim odjelima. Podaci o poljoprivredi iskazani su u posebnoj publikaciji.

5. MULTIDOMENSKE STATISTIKE

5.03 Statistika okoliša i računi

Statistika otpada, voda Provedena su statistička istraživanja iz oblasti statistike zaštite okoliša, statistike voda, po novim obrascima i zajedničkoj metodologiji usklađenoj sa metodologijama EUROSTATa za ovu oblast statistike, a podaci obrađeni i publikovani za nivo BiH.

6. PODRŠKA ZA STATISTIČKE PROIZVODE - INFRASTRUKTURA

Klasifikacija djelatnosti Stupanjem na snagu Zakona o izmjenama zakona o klasifikaciji djelatnosti Bosne i Hercegovine („Sl. glasnik BiH“ broj 32/10), postojeći Zakon o klasifikaciji djelatnosti Brčko distrikta BiH morao je biti usklađen sa nastalim izmjenama u pomenutom zakonu.

Na osnovu gore navedenog propisa, donesena je Odluka o KD Brčko distrikta BiH u potpunosti usklađena sa KD BiH 2010, a sa njenom primjenom u administrativnim registrima Brčko distrikta BiH otpočelo se od 01.01.2011.godine.

Ostale klasifikacije I sve ostale klasifikacije propisane od strane Agencije za statistiku BiH su odmah preuzete i primjenjuju se u postojećim softverskim rješenjima.

Ažuriranje registra prostornih jedinica Registar prostornih jedinica, katastarskih općina, naseljenih mjesta, MZ, statističkih i popisnih krugova sa utvrđenim nazivima, matičnim brojevima i mapama na katastarskim i topografskim kartama i opisima granica je izrađen 2003. godine zajedničkom aktivnošću tadašnjeg Statističkog biroa i Poddjela za katastar, a ažuriran 2010. godine zajedničkim naporom Poddjela za katastar i uz finansijsku podršku Agencije za statistiku BiH. Težište posla u ažuriranju Registra prostornih jedinica je bilo na cijepanju popisnih krugova u skladu sa metodologijom, izrada novih digitalnih mapa na ortofoto podlozi i izmjena opisa granica statističkih i popisnih krugova prema trenutnom stanju. Ono što je neophodno uraditi u narednom periodu, a u okviru priprema za provođenje Popisa stanovništva od strane Vlade Brčko distrikta BiH je dodjela naziva ulica u ruralnom području Brčko distrikta BiH i ažuriranje stanja kućnih brojeva na teritoriju cijelog Brčkog. Ažuran registar prostornih jedinica je prvi uvjet za uspješno provođenje Popisa stanovništva, domaćinstava i stanova u BiH, aktivnosti koja predstoji u narednom periodu nakon usvajanja Zakona o popisu stanovništva, i na čijim pripremama statistika BiH intenzivno radi.

Vođenje i ažuriranje Jedinstvenog registra poslovnih subjekata

Posebna pažnja posvećena je urednom i ažurnom vođenju Jedinstvenog Registra poslovnih i drugih subjekata i njihovih dijelova. Subjektima se utvrđuje glavna (pretežna) djelatnost i matični, odnosno poreski broj u saradnji sa Poreskom upravom. Podaci iz ovog registra koriste se za Statistički poslovni registar tj. za izradu adresara izvještajnih jedinica za sva statistička istraživanja koja se provode metodom izvještaja.

Akti koji se izdaju u postupku statističke registracije služe poslovnim i drugim subjektima za ostvarivanje njihovih prava i obaveza: prijave radnika kod PIO/MIO i Fonda zdravstvenog osiguranja, za otvaranje bankovnih računa i slično. Podaci iz našeg Registra služe nadležnim tijelima za utvrđivanje obaveze predaje završnih računa za registrovane poslovne subjekte.

U 2011. godini proveden je postupak registracije 372 poslovnih subjekata i njihovih dijelova, od čega: pravnih osoba 136, samostalnih preduzetnika 151, podružnica čije je sjedište u Brčko distriktu BiH 60, i podružnica čije je sjedište izvan Brčko distrikta BiH 25. Proveden je postupak 1.693 promjena u registru od čega je 535 brisanje iz registra. Ovi poslovi vode se dnevno ažurno. Razlog ovolikog broja promjena u odnosu na prethodne godine je što je u 2011. godini rađeno usklađivanje šifara djelatnosti sa novom KD Brčko distrikta BiH.

Od početka registracije do 31.12.2011 godine ukupno je registrovano 8.212 poslovnih subjekata i njihovih dijelova, od čega: pravnih osoba 2.506, samostalnih preduzetnika 4.676, podružnica sa sjedištem u Brčko distriktu BiH 567 i podružnica čije je sjedište izvan Brčko distrikta BiH 463. Provedena je 5.529 promjena, od čega brisanja iz registra 2.938.

Obuka zaposlenih

Kontinuirano je rađeno i na edukaciji zaposlenih u 2011. godini, prvenstveno kroz projekte u organizaciji Agencije za statistiku BiH i učešće u radu Radnih grupa za nacionalne račune, poljoprivredu, industriju, statistički poslovni registar i sl.

Publikacije, saopštenja

U oblasti informisanja uređeno je i izdato 6 redovnih publikacija "Bilten-statistički podaci" i 9 tematskih publikacija po posebnim oblastima statistike: „Indeksi potrošačkih cijena“, "Statistika socijalne zaštite", "Statistika poljoprivrede", "Demografija", "Zdravstvena zaštita", "Statistika vanjske trgovine", Nacionalni računi", "Statistika obrazovanja" i „Statistika investicija“ u kojima su date serije osnovnih podataka za prethodne godine i detaljni podaci za posljednju godinu obrade.

Publikacija „Statistika industrije,“ nije urađena zato što smo procijenili da treba uraditi određene korekcije na ponderima za nivo objavljivanja podataka u Brčko distriktu BiH.

Publikacije su dostupne i u elektronskoj formi na web stranici Agencije za statistiku BiH i web stranici Vlade Brčko distrikta BiH.

U vidu saopštenja redovno su u "Službenom glasniku BD BiH" objavljivani podaci o mjesečnim prosječnim neto i bruto plaćama, te mjesečnim koeficijentima rasta potrošačkih cijena u BDBiH. Na poseban zahtjev podaci su davani i drugim korisnicima (institucijama BD BiH i institucijama BiH, naučnim i stručnim institucijama i dr.)

Koordinacija i odnosi sa korisnicima

Koordinacija i saradnja sa tijelima ovlaštenim za provođenje statističkih istraživanja i ostalim institucijama u BDBiH bila je vrlo dobra, prvenstveno u planiranju i provođenju dijelova statističkih istraživanja koji se na njihov odnos.

Sa Poreskom upravom vodi se zajednički registar poreskih obveznika i

statistike, Odjel za zdravstvo Vlade vrši šifriranje uzroka smrti demografske statistike, u saradnji sa Odjelom za javni registar vrši se ažuriranje Registra i evidencije teritorijalnih jedinica, Odjel za privredni razvoj i dalje snima potrošačke cijene za potrebe obračuna indeksa potrošačkih cijena za nivo Brčko distrikta BiH i BiH, sa Direkcijom za finansije osiguravaju se detaljni podaci o izvršenju budžeta po nižim organizacionim jedinicama radi pravilne obrade po djelatnostima za obračun BDP. Neophodno je nastaviti sa ostvarivanjem aktivne koordinacije i saradnje sa institucijama ovlaštenim za provođenje statističkih istraživanja i drugim institucijama Brčko distrikta BiH.

Vlada Brčko distrikta BiH je osigurala prostor-kancelariju za smještaj rezervne baze statističkih podataka Bosne i Hercegovine tzv. "Disaster & recovery center". Instaliranje opreme i puštanje u funkciju biti će tokom 2012. godine.

7. ADMINISTRATIVNA PODRŠKA

Održavanje opreme i obrada podataka

Elektronska obrada podataka je vršena bez većih problema za statistička istraživanja za koje su osigurani računarski programi. Blagovremeno je vršena priprema i instaliranje programa za unos i obradu podataka za 2011. godinu i blagovremeno su otklanjani zastoji u korištenju istih.

Redovno je održavana postojeća oprema, lokalna računarska mreža funkcionira, antivirusna zaštita postoji, omogućen je pristup Internetu za sve zaposlene korištenjem vlastite informacione mreže.

Vlada Brčko distrikta BiH je upotpunosti ispoštovala obaveze iz Sporazuma o preuzimanju poslova, opreme, finansijskih sredstava i zaposlenih Biroa za statistiku Brčko distrikt BiH, te je zahvaljujući tome omogućeno uspješno funkcionisanje Podružnice tokom 2010. godine.

Normativno-pravna djelatnost i koordinacija

U oblasti rukovođenja izrađen je, u saradnji sa ostalim institucijama za provođenje statističkih istraživanja, Statistički program od posebnog interesa za Brčko distrikt BiH u 2011. godini, dostavljen Vladi i usvojen.

Izrađen je Izvještaj o izvršenju Programa statističkih istraživanja od posebnog interesa za Brčko distrikt BiH u 2010. godini, dostavljen Vladi Brčko distrikta BiH, te Agenciji za statistiku BiH.

Težište aktivnosti u narednom periodu trebalo bi biti na realizaciji aktivnosti Srednjoročnog i Godišnjeg plana rada Agencije za statistiku BiH, u dijelu koji se odnose na Brčko distrikt BiH.

ZAVRŠNE NAPOMENE

Ovaj izvještaj je sastavni dio godišnjeg Izvještaja o radu Agencije za statistiku BH za 2011. godinu, i biti će razmatran i usvojen i od strane Vijeća ministara BiH.

Broj:
Datum:

Direktor

Zdenko Milinović